

DS
749


'3

L357

19--

v. 1

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5



脩史試筆

序

脩史試筆者鹿洲欲脩宋史而
以此試其筆也古今言史者曰
才曰學曰識余謂史所難者筆
耳一筆之苟三綱以淪九法以
斁故秉筆者必其守先聖之道

任天下之重本忠行恕然後可
以張萬世之衮鉞植千秋之綱
常自西狩獲麟而筆絕矣千數
百年間續之者獨紫陽夫子耳
龍門五十萬言班范莫出其籬
惜其不能衷諸大道難語春秋

之筆五代褒貶自比春秋而論
次不無遺漏此外皆自鄙矣甚
矣筆之難也鹿洲上下古今綱
羅經籍時、以誅奸邪發潛德
為已任乙巳春與余客都門病
宋史雜沓繁蕪不殊堆砌鄙報

掩卷歎歔曰是豈非古今一大憾哉士君子有志方欲為天地補陷缺此事可諉諸異人任耶是夏叙次有唐名臣擇其忠節經濟之炳乾坤者列為傳名曰脩史試筆詞簡而談義精而嚴

體醇而厚余讀而嘆曰此古良
史筆也而又何試哉鹿洲生長
名邦為道南正脉讀洙泗之書
究洛閩之奧紫陽以筆續洙泗
鹿洲即可以筆續紫陽振忠臣
孝子之氣寒姦雄逆豎之膽衍

文章道義之傳天柱地維直以一筆撐之而又何試乎鹿洲曰不然天下名儒宗匠衆矣將必有鑪錘千古之才載筆而動我未逮者此則鹿洲虛衷若谷而余益以謏鹿洲之真能一筆不

苟也嗚呼春秋之作日月經天
天不生夫子萬古如長夜余悲
夫後漢傾頽建文遜國變出非
常元會運世之沉、昏、莫有
甚於此者秉筆如溫公而不能
誅曾瞞於既死不有紫陽則陳

壽狗斃流毒何窮哉紫陽以筆
誅曹瞞之逆而無人以筆誅燕
藩之逆余所望於鹿洲之操筆
者不獨宋史也昔左氏欲傳春
秋而作國語試之謂也夫岱雲
起於膚寸河流發於星宿宇宙

文章有開必先試筆之作豈偶
然哉不揣腐陋為弁數言於其
端雍正戊申臘月望日衡山年
全學愚弟曠敏本拜題於棉陽
書院之閑存堂



小兒之國

子也世之

謂之天子

國之天子

王也天子

脩史試筆目次

潭浦藍鼎元玉霖氏纂

唐

房玄齡傳

杜如晦傳

魏徵傳

李靖傳

傅奕傳

馬周傳

褚遂良傳

裴行儉傳

狄仁傑傳

張柬之傳

姚崇傳

宋璟傳

韓休傳

張九齡傳

張巡許遠傳

顏真卿杲卿傳

郭子儀傳

李光弼傳

楊綰傳

段秀實傳

杜黃裳傳

李泌傳

李晟傳

子愬附

馬燧傳

渾瑊傳

李抱真傳

柳渾傳

陸贄傳

陽城傳

裴垍傳

李絳傳

裴度傳

韋處厚傳

李德裕傳

劉蕡傳

五代

王朴傳

竹史記集

三

脩史試筆卷上

漳浦藍鼎元玉霖氏纂

衡山曠敏本魯之氏評

房玄齡傳

房玄齡名喬以字行齊州臨淄人也幼警敏善屬文
書兼草隸開皇中天下混一僉謂隋祚方末玄齡密
白父以隋無功德妄誅殺攘神器嫡庶混淆侈僭相
傾亡可翹足待父驚曰無妄言年十八舉進士吏部

侍郎高孝基謂裴矩曰此郎國器終當聳壑昂霄恨

我不及見耳

補隰城尉

尋坐漢王諒累徙上郡顧中

接雄健

原方亂慨然有憂天下志太宗以燉煌公徇渭北杖

策謁軍門署行軍記室參軍公爲秦王授府記室每

此五齡大計也

提摯特明

從征伐衆爭取貨珍

五齡獨收人物致幕府與諸將

相申結人人願盡死力王比之光武得鄧禹云隱太

子與王有隙五齡勸王行周公之事引杜如晦協判

大計太子忌此二人皆譖于帝而斥之變將作王夜

召二人以方士服入計事事定擢右庶子及卽位爲

召二人以方士服入計事事定擢右庶子及卽位爲

中書令第功班賞第一封邗國公食邑千三百戶淮
安王神通曰臣舉兵關西首應義旗今立齡等以刀
筆加臣上竊所未服帝曰叔父雖首倡舉兵蓋亦自
營脫禍建德之南全軍覆沒黑闥再合望風輒奔立
齡等有決勝帷幄定社稷功此蕭何所以先諸將也
進尚書左僕射監脩國史更封魏帝嘗問創業守成
孰難立齡曰草昧之初羣雄並起角力而後臣之創
業難又以魏徵陪寫魏徵曰自古帝王莫不得之於艱難失之於安
逸守成難帝曰立齡從我定天下冒百死獲一生故

知創業之難徵與我安天下常恐驕奢生於富貴禍
亂伏於所忽故知守成之難然創業往矣守成之難
方與公等慎之未幾更封梁加太子少師女爲王妃
男尚主自以權寵隆極累表辭位不許頃之進司空
仍總朝政又辭帝遣使謂曰讓誠美德然國家眷賴
久不可一日去左右改太子太傅知門下省事帝伐
遼畱守京師詔曰公當蕭何之任朕無西顧憂矣凡
糧械飛輸軍伍行畱悉裁綜之立齡數上書勸帝無
輕敵久事外夷固辭太子太傅比病劇帝對之流涕

日遣人候問起居。少閒卽喜形於色。王齡謂諸子曰。今天下無事。惟討高麗未止。羣臣莫敢諫。吾而不言。抱愧沒地矣。乃上疏曰。上古所不臣者。陛下皆臣之。突厥高昌吐谷渾。以次夷滅。延陀鐵勒。按置州縣。今自將六軍。征討高麗。不旬日。拔遼東。禽獲數十萬。可謂功倍前世。傳曰。知足不辱。知止不殆。陛下威名功烈。旣云足矣。擴地開疆。亦可止矣。邊夷醜種。不足責以禮義。古者禽魚畜之。必絕其類。恐獸窮則搏。且陛下每決死罪。必三覆五奏。進疏食。停音樂。以人命重。

也。今驅無罪之士。委之鋒鏑之間。使肝腦塗地。老父

孤子。慈母寡妻。望樓車抱枯骨。椎心掩泣。變動陰陽。

○瑤○瑤○筆○端○

傷害和氣。實天下之至痛也。使高麗違失臣節。誅之

可。侵擾百姓。滅之可能。爲後世患。夷之可。今無是三

者。而坐敝中國。爲舊王雪恥。新羅報仇。非所存小所

損大乎。願陛下許高麗自新。焚陵波之船。罷應募之

衆。則臣死骨不朽。帝得疏。謂高陽公主曰。是已危篤。

尚能憂吾國事。疾甚。命鑿苑垣。以便候問。親握手與

訣。擢子遺愛。右衛中郎將。遺則朝散大夫。令及見之。

卒年七十一陪葬昭陵諡文昭王齡明達吏事夙夜
盡心惟恐一物失所用法寬平聞人善若已有之取
人不求備雖卑賤皆得盡所長治家有法度慮諸子
驕侈席勢凌人集古今家誠書爲屏風令各取一具
曰留意于此足以保躬漢袁氏累葉忠節吾心所尚
爾等師之子遺直嗣王意
論曰王齡事跡與漢蕭何相類顧何遭高帝猜刻畫
夜岌岌蘓醢間王齡際太宗道協計從始終罔間蕭
處難而房處易其政治亦不大相遠何哉斷定君堯

舜之學術但開國承家紀綱粗定稱一代名相焉兩
人力量均之乎止此矣然何終未免刀筆吏而互齡
濟以文學稍爲過之不矜不伐居然有儒者氣象臨
沒高麗一疏不忘史魚尸諫之忠君子哉

蕭何入咸陽藏圖書此相漢第一要着也互齡從
征伐收人物此相唐第一要着也高麗一疏老臣
愛國乃互齡絕好結局蕭何無此遠謀然請苑械
繫箝其口矣兩人遭際之幸不幸也篇中處處對
照體製亦祖史公而提挈剪裁別具手眼史才史

識已見一班

杜如晦傳

杜如晦字克明京兆杜陵人也少英爽喜書以風流
案自命負大節臨機輒能斷大業中赴吏部選亦為高
知已亦同叙法絕妙應孝基器重謂君有應變才當為棟梁之用願保崇令
德補滏陽尉未幾棄官歸唐兵入關任秦府兵曹參
軍俄徙陝州總管府長史時府僚外遷者多房玄齡
蕭何所以追信也獨謂王曰他人去無足惜惟如晦王佐牙也大王若
終守藩輔無所用之必欲經營四方非此人莫可王
驚曰微公言我幾失之因表留幕府從征伐常參帷

幄預機秘方軍國多事裁決如流莫能窺其涯際深
為內外所推服累遷陝東道行臺郎中封建平縣男
兼文學館學士丹青畫象十有八人以如晦為冠首
隱太子之變與_應玄齡定謀論功相等授左庶子遷兵
部尚書封蔡國公貞觀二年進侍中攝吏部選總監
東宮兵馬三年拜右僕射仍領選所引士賢否上下
咸得其職時天下新定凡立國規模臺閣制度典章
文物悉與_應玄齡裁定每議大政事_應玄齡必曰非如晦
慕能籌之及如晦至卒用_應玄齡策蓋_應玄齡長于謀如

五十字力重絕大

晦○長○于○斷○兩○人○深○相○知○故○能○同○心○協○德○以○致○太○平○談○
結案
良○相○者○稱○房○杜○焉○尋○以○疾○請○解○職○頻○使○存○問○醫○藥○相○
望○於○道○及○疾○篤○帝○與○太○子○親○至○其○家○撫○之○流○涕○超○遷○
其○子○構○為○尚○舍○奉○御○卒○年○四○十○六○帝○哭○之○慟○贈○司○空○
封○萊○國○公○諡○曰○成○詔○虞○世○南○勒○文○于○碑○言○一○體○痛○悼○
開情入妙讀者曰爽
之○意○他○日○食○瓜○而○美○輟○其○半○奠○焉○嘗○以○黃○銀○帶○賜○玄○
到底照應
齡○謂○曰○如○晦○與○公○同○輔○朕○今○獨○見○公○不○見○如○晦○矣○泣○
旁傳極寫老臣戀君杜傳極寫君戀老臣兩人生
然○下○淚○更○取○黃○金○帶○送○于○靈○所○以○後○或○見○夢○寐○敕○御○
氣勢勃行間
饌○往○祭○明○年○之○祥○遣○尚○宮○慰○問○妻○子○國○府○官○屬○並○不○

罷始終恩禮無少衰

論曰如晦才高氣爽遇事明決沽然無滯礙真開國
結出主腦
臣也故能與王齡之周密相濟有成並定天下稱名
相偉矣使天假之年得從容以報太宗之知遇當必
更有可觀者

臨機能斷如晦之功案定矣房謀杜斷並翼而行
者也篇首提筆特清入後迴環照應叙次精嚴合
房傳看之益見此篇之妙

魏徵傳

魏徵字玄成，魏州曲城人也。少孤落魄，有大志，不營（渾含何妙）貨產。見隋亂，詭爲道士浮沈。李密建德間，後入關，爲

隱太子洗馬。徵見秦王功高，勸太子早爲計。太子敗。

王切責徵，答曰：「太子早從徵言，不死今日之禍。」王器（對大度人說老實話無不見諒者主）

其直，卽位拜諫議大夫。時河北州縣素事隱巢者，不（臣相得兆于此矣）

自安，皆潛伏。思亂，徵白帝示至，公解之，命往慰諭。道（按法矯功）

遇械，送太子千牛李志安。齊王護軍李思行徵與其

副謀曰：「受命赦宮府舊人，今復執送志安等，吾屬雖

往人將不信請先貸之而後以聞使還帝悅日益親

或引至卧内訪天下事徵亦自以不世遇展盡底蘊

金○不○可○才○意○在○此

無所回屈拜尚書右丞仍兼諫議或毀徵阿私所親

帝使溫彥博按無驗責以不存形迹避嫌疑徵謝曰

臣聞君臣同心一體豈有令臣舍其至公反事形迹

乎帝矍然悟徵頓首曰願陛下俾臣為良臣毋為忠

底蘊

臣帝曰忠良異乎對曰良臣稷契皋陶也忠臣龍逢

比干也帝曰善又問人君何道而明何失而暗對曰

兼聽則明偏信則暗堯舜闢四門明目達聰雖共驩

苗。繇。不。能。蔽。也。秦。二。世。獨。信。趙。高。梁。武。帝。獨。信。朱。异。
侯。景。隋。煬。帝。獨。信。虞。世。基。天。下。土。崩。瓦。解。而。不。知。盜。
賊。徧。海。內。而。不。聞。此。其。驗。也。貞。觀。三。年。以。秘。書。監。參。直。諫。累。回。屈。
預。朝。政。西。域。諸。國。聞。高。昌。麴。文。泰。朝。悉。遣。使。入。獻。詔。
使。人。迎。之。徵。諫。曰。王。者。不。以。蠻。夷。勞。中。國。姑。聽。其。商。
賈。往。來。與。邊。民。交。市。則。可。若。賓。客。待。之。將。不。勝。其。弊。
結。西。域。帝。乃。止。先。是。帝。嘗。嘆。大。亂。之。後。疑。其。難。治。徵。曰。亂。後。
易。治。譬。飢。者。易。食。渴。者。易。飲。也。封。德。彝。曰。三。代。以。還。
人。漸。澆。詭。故。秦。任。法。律。漢。雜。霸。道。皆。欲。治。不。能。非。能。

治○不○欲○徵○曰○五○帝○三○王○不○易○民○而○治○湯○武○皆○承○大○亂○
之○後○身○致○太○平○若○人○漸○澆○漓○不○復○返○朴○今○當○悉○爲○鬼○
魅○尚○安○得○而○化○哉○帝○納○之○及○數○年○後○米○斗○三○錢○幾○至○
刑○措○蠻○夷○君○長○襲○衣○冠○帶○刀○宿○衛○東○薄○海○南○踰○嶺○外○
戶○不○閉○行○旅○不○賫○糧○帝○謂○羣○臣○此○魏○徵○勸○我○行○仁○義○
之○效○惜○不○令○封○德○舜○見○之○俄○檢○校○侍○中○進○爵○郡○公○帝○
幸○九○成○宮○宮○御○憇○漳○川○官○舍○李○靖○王○珪○至○吏○改○館○宮○
御○以○舍○靖○珪○帝○怒○命○按○之○徵○諫○曰○靖○等○陛○下○心○膂○大○
臣○宮○人○掃○除○隸○耳○以○此○罪○責○恐○駭○天○下○耳○目○得○釋○不○

問。一日帝謂長孫無忌曰。魏徵每諫我不從。與言輒
不應何也。徵曰。臣以事有不可。故諫。若不從。輒應恐
遂行之。帝曰。第應之。須別陳論。何傷。對曰。昔舜戒羣
臣。爾無面從。退有後言。若面已許可。又別陳論。此乃
後言非稷契所以事君也。帝將冊鄭仁基女爲充華。
徵聞其嘗許聘。遽疏諫。帝自責而止。徵撰定齊梁陳
周隋五史。多所損益。進左光祿大夫。鄭國公。以疾辭
位。拜特進。知門下省事。文德皇后葬昭陵。帝於苑中
作層觀望之。引徵同升。徵熟視曰。臣眊昏不能見帝。

指示之徵曰臣以爲陛下望獻陵若昭陵則臣固見之帝泣爲毀觀後幸洛陽多所譴責徵曰隋惟責供奉不精因此浪費以至于亡陛下當兢懼戒約奈何誨人爲奢退又上疏言刑賞不可由喜怒及驕奢亂亡之故乞以隋爲鑒帝從容問比來政治若何徵曰陛下貞觀之初漢人使諫諫者悅而從之比一二年勉强受諫顏色不接間因所短詰其細過此所以異耳帝驚曰人苦不自覺非公無能道此魏王泰有寵或言大臣多輕之帝怒召大臣讓曰隋文帝時大臣

皆為諸王所頓躓。我欲縱之，泰豈不能折辱公輩邪？
房立齡等皆謝徵正色曰：「若紀綱大壞，固所不論。聖
明在上，魏王必無頓辱羣臣之理。」隋文帝驕其諸子，
卒皆夷滅。又足法乎？帝悅曰：「聞公言，乃知理屈。」先是，
帝作飛山宮，徵上疏極諫。後遇大雨，穀洛溢，毀宮寺。
漂居人，徵條陳十思，勸帝殷憂，竭誠以盡。下因事納
言，尤為激切。帝手詔嘉之。於是廢明德宮，立圃院，賜
被水者他日宴。羣臣謂曰：「貞觀以來，納忠諫為國家
長利徵而已矣。雖古名臣，何以加？」解佩刀賜之。又問

結魏地王泰

畧得妙

羣臣徵與諸葛亮孰賢。岑文本曰：亮才兼將相，非可
比。帝曰：徵蹈履仁義，欲致君于堯舜，亮亦不過是也。
帝厭上封者多不切事，欲加譙黜。徵曰：古者立謗木，
欲聞已過言，而是朝廷之益，卽非無損于政。由是皆
勞遣之。十三年，徵又上疏言：陛下頃年以來，漸不克
終，非復貞觀以初之盛。因條陳不克終者十漸。帝書
爲屏障，兼付史官。高昌平侍宴，兩儀殿舉齊桓公鮑
叔牙管仲甯戚交儆事爲戒。帝嘉納之，時以大臣並
請封禪，惟徵執不可。帝曰：豈功不高，德未厚耶？諸夏

不治遠方未服嘉瑞不至年穀不登耶何爲而不可
對曰陛下功則高而民未懷惠德則厚而澤未旁流
諸夏雖安未可驅之役遠方慕義無以供其求符瑞
雖臻爵羅猶密積歲豐稔倉廩尚虛譬如人有十年
百折不回
長患療治方瘳便欲負重日行百里必不可得告成
天地臣竊有疑兼以大事舉行萬國咸萃要荒之外
奔走來庭今伊洛以東暨於海岱人煙斷絕道路蕭
條徒令窺見示以虛弱又賞賜未厭衆望給復不償
民勞遇有災青難以追悔帝不能奪右僕射缺欲用

徵讓不拜。以爲太子太師。復辭。詔強之。十七年。疾甚。又承起處不營其產叙迷一段徵家初無正寢。帝輟小殿材爲營。構賜素褥布被。從其所尚。數與太子臨問。拊之流涕。許以衡山公主降其子叔玉。卒。年六十四。帝臨哭之。慟。罷朝五日。太子舉哀西華堂。詔百官咸赴喪。贈司空。諡文貞。給羽葆鼓吹。班劍。賻。賜其妻裴氏。辭曰。徵素尚儉約。今葬以不營其產羽儀。非其志也。乃更用素車白布。幘帷陪葬。昭陵帝登苑西樓望哭。甚哀。御製碑文。手書之。益封戶九百。和淚書之臨朝嘆曰。以銅爲鑑。可正衣冠。以古爲鑑。可知興替。

以人爲鑑。可明得失。魏徵沒。朕亡一鑑矣。徵狀貌不
逾中人。而犯顏進諫。雖逢盛怒。神色不懼。帝徐爲霽。再將無所回屈。詳叙一段。
威帝嘗得佳鷄。自臂之。望見徵來。匿懷中。徵奏事良
久。鷄竟死。徵謁告止家。帝將有關南之行。旣辦而止。
徵還。問故。帝曰。畏卿嗔。故中輟耳。徵以亂後典章湮
散。引諸儒校集秘書。粲然復完。又以小戴禮綜彙不
倫。作類禮二十篇。帝好武。徵侍宴。見舞破陣樂。則俛
首不顧。至慶善樂。則諦玩無斂。舉有所諷切。如此。徵
沒後。毀者百出。以嘗薦杜正倫。侯君集爲阿黨。又誣

錄諫語示史官帝怒停叔玉婚而仆所爲碑後征遼
東還悵然曰使徵若在朕無此行仍召其妻子慰勞
以少牢祀墓復立碑加禮焉

論曰徵務引其君以當道志仁批逆鱗無所諱惓惓

忠貞古今諍臣鮮有過之太宗英睿從諫如轉圜士

君子有致君堯舜之心遇作者底蘊於斯見之可爲堯舜之主不披肝露

膽罄底蘊以相告非人情矣徵之諫固不可及亦太

宗成之也身歿未幾媚毀遽行又似一日無徵衆寒

雜至雖英睿如太宗且不免爲佞邪所播弄悲夫前

此之轉圜亦微有以佐之也明君良臣相須殷而相得彰亶其然乎

鹿洲抱經濟宏才思欲上佐聖明聲抒底蘊故借斯篇發之洋洋二千餘言極力摹寫如聞其聲如見其形明良相得特於論末一點讀斯傳者堯舜君民之志油然而生矣

作史記筆

上

李靖傳

李靖字藥師京兆三原人也。姿貌魁秀。通書史。嘗曰。
大○將○氣○象○自○別○丈夫當建功名。寧作章句儒耶。其舅韓擒虎與論兵。
輒以孫吳目之。仕隋爲殿內直長。楊素牛弘皆曰王
佐才云。大業末爲馬邑丞。高祖擊突厥。靖察有非常
志。自囚上急變。傳送江都。至長安道梗。高祖已定京
師。將斬之。靖呼曰。公起兵爲天下除暴亂。欲就大事。
以私怨殺誼士乎。秦王世民爲請得釋。從平王世充。
以功授開府。蕭銑據江陵。靖陳圖銑十策。拜行軍總

管兼攝趙郡王孝恭行軍長史武德四年八月大閱
夔州時秋潦濤瀨漲惡諸將請俟江平乃下靖曰兵
機事以速爲神今乘銑不備冒險疾趨是震雷不及
塞耳可擒也孝恭然之九月拔荆門宜都抵夷陵銑
將文士弘悉銳屯清江孝恭欲擊靖請駐南岸待其
氣衰孝恭弗聽自往戰敗績賊衆委舟散掠靖縱兵
奮擊大破之乘勝直抵江陵入其外郭又攻水城拔
之大獲舟艦命悉散之江中諸將皆諫曰奈何棄以
資敵靖曰蕭銑之地南出嶺表東拒洞庭吾懸軍深

入苦攻城未拔。援兵四集。表裏受敵。進退不獲。雖有
舟楫。將安用之。今棄使蔽江而下。援兵見之。必謂江
陵已破。未敢輕進。往來覘伺。動淹旬月。吾取之必矣。
銑援兵見舟艦。果疑不進。銑內外阻絕。乃降。靖入據
其城。號令嚴肅。秋毫無所犯。或請籍銑將拒戰者家
貲以賞軍。靖曰。王者之師。宜使義聲先路。彼爲其主
死鬪。豈可同叛逆之科。若降而籍之。恐自荆以南。堅
城劇屯。毆之死守。非計之善也。於是江漢列城望風
欵附。以功封永康縣公。荊州刺史。遂度嶺至桂州。分

道招慰酋長馮盜等皆以子弟來謁南方悉定得郡
九十六戶六十餘萬詔書勞勉授嶺南撫慰大使桂
州總管念嶺海陋遠非震威武示禮義無以移風率
兵南巡所過問疾苦延見長老宣布天子恩意遠近
懽服輔公祐反詔召靖副李恭討之李世勣等七總
管皆受節度靖督諸軍水陸並進鏖戰殺傷萬人破
其將馮惠亮陳正通等遂率輕兵至丹陽擒公祐以
歸太宗卽位歷兵刑二部尚書實封四百戶檢校中
書令帝圖突厥以靖爲代州道行軍總管帥勁騎三

千由馬邑趨惡陽嶺。頡利可汗大驚曰：兵非傾國來，靖敢提孤軍至此？靖又縱閒諜離其腹心，夜襲定襄，破之。可汗遁磧口。帝曰：靖以三千騎直犁鹵庭，取定襄，古無與比，足洒吾渭水恥矣。進封代國公。頡利走保鐵山，遣使請舉國內附。詔以靖將兵迎，又遣唐儉安脩仁慰撫之。頡利外爲卑詞，內實猶豫，欲俟草青馬肥，亡入漠北。靖曰：頡利雖敗，其衆猶盛，若走度磧北，保依九姓圖之，無及。乃與副將張公謹謀，詔使至以速爲神也敵，必自寬疾，驅萬騎，齎二十日糧，自白道襲之，必得。

所欲。遂督兵疾進。遇候邏皆俘。以從。逼其牙七里。乃覺。俘斬十餘萬。禽其子疊羅施。并殺義成公主。頡利乘千里馬先奔。大同道行軍總管張寶相。禽以獻。於是斥地自陰山北至大漠矣。因大赦。賜民酺五日。御史大夫蕭瑀劾靖縱軍士掠散珍寶。召讓之。靖不辯。自明。惟頓首謝。進光祿大夫。增戶至五百。謂曰。向人譖公短朕。今悟矣。加賜帛千匹。遷尚書右僕射。靖每參朝。議恂恂似不能言。以沈厚稱。尋爲畿內道大使。巡察風俗。會足疾乞休。授特進。就第。吐谷渾寇邊。復拜西

海道行軍大總管靖決策深入踰積石山大戰數十
多所殺獲降其國人無算吐谷渾伏允窮蹙自經死
靖更立大寧王慕容順而還自是闔門稱疾謝絕親
故改封衛國公開府儀同三司圖像凌烟閣卒年七
十九陪葬昭陵諡景武

論曰李靖才畧非常而恂恂如不及以沈厚稱此其
善保功名者雖曰非章句儒亦書史之潤矣唐書贊
其闔門稱疾畏遠權逼雖古哲人無以尚又言靖善
用兵特臨機果料敵明根于忠智而已世俗言靖精

風角鳥占。雲稜孤虛之術。傳著怪詭。皆不足信。有旨哉。有旨哉。

局陣從橫。刁斗仍自嚴密。作者韜鈴絕倫。故能摸寫曲肖也。○詔使已至。督兵疾驅靖固。果毅亦太宗英明。得以有成也。不然蕭瑀之効。能無傷乎。闔門稱疾見解。尤爲獨超。

傅奕傳

傅奕相州鄴人也。開皇中徙扶風。高祖爲扶風太守。禮之。及卽位拜太史丞。令庾儉以父質占候忤隋煬帝死。懲其事薦奕自代。遂爲令。時國制多仍隋舊。奕○便○自○岸○然○上言黃帝唐虞三代不相沿禮襲樂。隋季違天害民。專峻刑法。天下兆庶同心叛之。陛下撥亂反正。安可○定○天○下○規○模○不一新民之耳目。改正朔易服色變律令革官名功極作樂治終制禮使天下知盛德之隆。此其時也。然官貴簡約。夏后官百不如虞氏五十。周三百不如商

之百。又言夏有亂政。作禹刑。商有亂政。作湯刑。周有
亂政。作九刑。衛鞅爲秦法。增鑿顛。抽脅。鑊烹等六篇。
始皇爲挾書律。此失于煩。不可不監。復上疏極論。浮
屠謂西域之法。言妖行詭。不忠不孝。削髮而揖君親。
游手游食。易服以逃。租賦僞啟。三途謬張。六道遂使。
愚迷妄求功德。不憚科禁。輕犯憲章。至有身在獄中。
誦梵禮佛。以求解免。且生死壽妖。本諸自然。刑德福
威。關之人主。貧富貴賤。功業所招。而愚僧矯詐。皆云
由佛。攘天理。竊主權。其爲害政良可悲矣。五帝三王。

初○無○佛○法○君○明○臣○忠○年○祚○長○久○至○漢○明○帝○始○立○胡○神○
然○惟○桑○門○自○傳○其○教○西○晉○以○上○不○許○中○國○髡○爲○之○徒○
石○苻○亂○華○乃○弛○厥○禁○主○庸○臣○佞○政○虐○祚○短○事○佛○致○然○
梁○武○齊○襄○足○爲○明○戒○今○天○下○僧○尼○數○盈○十○萬○請○令○匹○
配○卽○成○十○餘○萬○戶○十○年○之○後○滋○產○必○多○加○之○教○訓○兵○
農○兩○足○其○爲○利○可○勝○旣○耶○又○上○十○二○論○言○益○痛○切○詔○
百○官○議○之○惟○太○僕○卿○張○道○源○是○奕○言○蕭○瑀○曰○佛○聖○人○
也○而○奕○非○之○非○聖○者○無○法○當○治○罪○奕○曰○人○之○大○倫○莫○
如○君○父○佛○以○世○嫡○而○叛○其○父○以○匹○夫○而○抗○天○子○蕭○瑀○

不。生。於。空。桑。乃。遵。無。父。之。教。非。孝。者。無。親。瑀。之。謂。矣。
○昌○黎○謂○羣○臣○不○能○深○知○先○王○之○道○若○爽○者○可○謂○不○知○耶

瑀。不。能。對。帝。亦。惡。沙。門。道。士。苟。避。征。徭。不。守。戒。律。詔。
有。司。沙。汰。僧。道。會。傳。位。未。及。行。而。止。太。宗。既。立。召。賜。
食。問。佛。法。立。妙。可。師。卿。何。獨。不。悟。其。理。奕。曰。佛。乃。胡。
中。桀。黠。欺。西。域。以。自。神。迷。惑。滋。廣。至。入。中。國。而。熾。兒。
幻。夫。摸。莊。老。以。文。飾。之。用。誑。愚。俗。有。害。國。家。無。益。于。
民。臣。非。不。悟。鄙。不。學。也。帝。頗。然。之。他。日。謂。侍。臣。曰。梁。
武。帝。惟。談。苦。空。侯。景。之。亂。百。官。不。能。乘。馬。元。帝。為。周。
師。所。圍。猶。講。老。子。戎。服。以。聽。此。深。足。戒。朕。所。學。者。堯。
○空○言○却○

舜周孔之道如鳥之有翼魚之有水失之則死不可
一日無也。後有僧自西域來能呪人立死復呪卽生。
帝試之驗以告奕。奕曰：此邪術也。臣聞邪不干正。請
呪臣。必不能行。帝命僧呪奕。奕初無所覺。須臾僧自
僵仆。遂不復蘇。又有婆羅門僧言得佛齒物莫能傷。
長安士女輻湊如市。奕謂其子曰：吾聞有金剛石性
至堅。惟羚羊角可破。汝往試焉。其子如言扣之。應手
而碎。觀者乃止。奕雖善天文占候數術。然訓子習六
經。謂已學不可以傳妖胡佛書。慎勿寓目。病不問醫。

○千○載○快○談○

一○時○正○氣○

忽酣卧蹶然起曰吾死矣夫自書誌曰傅奕青山白雲人也以醉卒年八十五

論曰善哉傅奕之斥浮屠也雖非太宗所樂理明義正亦不得不然之使高祖遜傳位一二年奕說終必得伸太宗果知梁武元帝之非學堯舜周孔之道曷○太○宗○之○志○荒○矣○爲不遵上皇沙汰僧道之舉無亦天誘其衷將開長髮尼乎沙汰不罷尼僧女冠無地可容他日武氏嫁夫去矣豈能爲唐禍哉佛在西域自適其適而爲之徒者詭假神異惑世誣氏以無父無君爲教清淨寂

滅爲宗。遊手無賴。孤獨廢疾。鰥寡不聊之人。乃可托
於其說。或奸宄小人生平行事居心。皆不可問。年老
氣衰。懼冥冥之中。果有操券取償。剉燒春磨之將及。
故佞佛以期解免。未有正人君子而亦爲之惑也。作
善降祥。不善降殃。天道自然之報應。何必閻羅。何必
地獄。卽閻羅地獄之設。正以待不忠不孝奸宄小人。
之。或逃顯戮者。若復聽佛夤緣。請託解免。亦不成閻
羅矣。是行險僥倖之小人。亦併不必爲之惑也。或又
謂佛經禪語玄妙可師。說法談機可以忘世。不知其

所謂玄妙者。掇拾儒者之唾餘。雜以老氏之浮誕。稍變其說而歸之于空。遂顯然與吾道爲敵。學者讀聖賢書。則知其謬。不待耳提而口詔之矣。人生在世。自有中正和平。不偏不易之至理。君臣父子名教綱常。何可一日忘也。今欲忘世。與釋氏爲徒。則必棄而家去。而父母兄弟出。而妻逐。而子廢。散而田宅。茹蔬衣布。負戴道路。唾面自乾。溺頂不較。而後可。若猶是携妻抱子。綺衣肉食。擁財使氣。附勢趨權。而矯語談禪。爲僧爲佛。佛如有知。必拔其舌。肯爲此輩逋逃藪乎。

則何苦以可聖可賢之明聰墜異端邪說之阱阱使
君子見而哀之耶嗚呼漢明流毒千七百年熾夫孔
多流傳不絕安得如奕者百十輩大聲疾呼使天下
無不忠不孝心術不可問之人則有天下國家者之
福也

傅奕力闢浮屠可謂有志聖賢者仲淹以來罕見
其匹佛骨諫草奕已開之有唐道學不明賴此畱
一綫之脉偉矣奕臣唐室別無勳名作者特爲拈
出悉力營構復於論中暢所欲言拳拳之衷畢露

毫楮令天下讀之者咸欣然願爲聖人之徒厥功
鉅哉

馬周傳

馬周字賓王博州茌平人也。少孤家貧嗜學善詩與
春秋然性曠邁鄉人以無細謹薄之。武德中補州助
教以不屑治事去客密州趙仁本高其才厚資給使
入關。畱汴為浚儀令崔賢所辱遂激而西舍新豐逆
旅主人不之顧。周命酒一斗八升悠然獨酌眾異焉。
至長安舍中郎將常何家貞觀五年詔百官言得失。
周為何條二十事。太宗怪問何何曰此非臣所能家
客馬周為之。帝令召周末至使者數輩敦趣及見與

語大悅。詔直門下省。明年拜監察御史。奉使稱職。帝偏爲周謝主人妙以何得人。賜帛三百匹。帝幸九成宮避暑。周上言大

安宮在宮城西。制度卑小。而車駕獨爲避暑之行。是

太宗又得一鑑

太上皇留暑中。而陛下居涼處也。溫清之禮。臣竊有所未安焉。且太上皇春秋高。陛下宜朝夕視膳。今所幸去京三百里。而遠萬一。太上思念不知陛下何以赴之。又言詔書令宗室勳臣悉就國。世貽子孫。臣謂陛下誠愛重之。宜思所以安存保。又不必世官也。萬一嗣職不肖。兆庶被殃。國家蒙患。彼時雖欲不割恩。

痛切

斷不可得不如賦以茅土疇其邑戶俟有材行隨器
而授方可免累終其福祿又言陛下踐祚以來宗廟
之享未嘗親事必謂乘輿一出所費無藝故忍孝思
以便百姓然而一代史官不書皇帝入廟之事將何
以昭示來裔又言名器不可假人王長通白明達本
樂工與阜韋槃提斛斯正獨解調馬雖術踰等夷可
厚賜金帛以富其家語關國體豈得預列士流超授高爵與外
廷朝會鳴玉曳履臣竊恥之帝善其言除侍御史周
又言陛下雖以太功定天下積德之日尚淺當隆禹

湯文武之道以立子孫萬世之基今百姓承喪亂之
 後比隨時戶口僅十分之一而徭役相望兄去弟來
 營繕不休器物服飾皆過侈麗陛下少處民間知百
 姓疾苦前代成敗尚猶如此太子生長深宮不更外
 事此聖慮所當憂也臣觀自古黎庶怨叛其國無不
 即滅人主當脩之於可脩之時不可悔之於既失之
 後昔紂笑桀之亡而幽厲又笑紂亡隋煬帝又笑齊
 魏之亡今之視煬帝猶煬帝之視齊魏也往貞觀初
 率土荒儉一絹僅易斗米而天下帖然者百姓知陛

動○聽○
詳○明○愷○切○媿○媿○

敢○諫○不○隱○魏○徵○

下○憂○憐○之○故○人○人○自○安○無○謗○譏○也○五○六○年○來○頓○歲○豐○
稔○一○縑○易○粟○十○斛○而○百○姓○怨○咨○以○陛○下○不○加○憂○憐○營○
爲○多○不○急○之○務○故○也○古○來○興○亡○不○在○積○蓄○多○少○惟○視○
百○姓○苦○樂○且○以○近○事○驗○之○隋○貯○洛○口○倉○而○李○密○因○之○
積○布○帛○東○都○而○王○世○充○據○之○西○京○府○庫○亦○爲○國○家○之○
用○至○今○未○盡○夫○蓄○積○固○不○可○無○要○當○人○有○餘○力○而○後○
收○之○豈○人○勞○而○強○斂○之○以○資○寇○耶○又○言○陛○下○寵○遇○諸○
宗室○一○段○推○廣○言○之王○過○厚○漢○晉○以○來○樹○置○失○宜○皆○不○豫○爲○節○制○以○至○滅○
亡○或○先○帝○加○恩○太○多○嗣○主○疑○而○畏○之○防○守○禁○閉○有○同○

獄囚是溺一時之私愛適所以苦之也。又言百姓安樂在刺史縣令獨重內官輕外任武夫勲人或京官不稱職始出補外邊遠之處用人更輕百姓未安皆在于此。疏奏帝稱善拜給事中轉中書舍人周善一〇段于敷奏機辨明銳動中事會裁處周密帝每曰我慙不見周卽思之岑文本謂所親曰馬君論事會文切理無一言可損益聽之纚纚令人忘倦然爲肩火色騰上必速恐不能久累遷中書侍郎兼右庶子十八年遷中書令帝征遼東畱定州輔太子還攝吏部尚

書進銀青光祿大夫帝飛白書鸞鳳冲霄必資羽翼
股肱之寄誠在忠良十六字賜之周疾甚取所上章
奏藁悉焚之曰毋彰君過取身後名也卒年四十八
陪葬昭陵初帝遇周厚周頗自負嘗遣人以圖購宅
衆以其素無貲皆竊笑他日白有住宅直二百萬周
遽以聞詔有司給直并賜奴婢雜物周領選時特黜
章法絕妙文情并爲何謝客妙忽承浚儀
令作結奇絕雋絕
浚儀令以其嘗辱已也

論曰周微時落擴無所容何其憊也及爲人陳事動
主知名見恨晚又何遇之奇也草茅特達慷慨而談

國家之務洋洋乎無所忌諱彼亦自以不世遭逢欲
點明傾生平肺腑報知遇忠矣方之賈長沙魏鄭國間實
堪踵武唐書以不逮傳說呂望惜之無乃責備太過
乎

魏徵之諫戇而直馬周之諫真而切詳核痛快筆
筆傳神篇末陡接浚儀令抑揚之妙不可名言

褚遂良傳

褚遂良字登善錢塘人褚亮子也貞觀中爲起居郎太宗嘗歎虞世南死無與論書者魏徵白見遂良帝令侍書時方博購王羲之故帖獨遂良能辨質真僞結遂良書法備論所出帝將有事泰山遂良因星變諫罷封禪遷諫議大夫知起居注帝欲觀之對曰今之起居古左右史也善惡必記未聞天子自取而觀帝曰朕有不善卿亦記耶對曰臣職載筆君舉必書劉洎曰使遂良不記天下之人亦記之帝嘗怪舜造漆器禹雕其

俎諫者十餘不止。遂良曰：雕琢害力，農纂繡傷女工。漆器不止，必金玉爲之。故諫者救其源，使不得開。及夫橫流，則無復事矣。時皇幼子皆外任都督刺史，遂良固諫，以爲刺史民之師帥，得人則安，失人則勞。皇子幼宜留京師，教以經學，畏仰天威，不敢犯禁，養成德器。然後敦遣。帝嘉納之。太子承乾廢，魏王泰間侍。帝許立爲嗣。謂大臣曰：「昨日泰投我懷，言臣今始得爲陛下子。」臣有一子，百年後當殺之。傳國晉王。朕聞其語，甚憐之。遂良曰：「陛下失言，安有爲天下主而殺。」

其愛子授國他人者乎。陛下昔以承乾爲嗣，復寵愛泰嫡庶，不明故紛紛至此。今若必立泰，非別置晉王不可。帝泣卽定策立晉王爲太子，授遂良太子賓客。○陡○接○筆○法○入○妙○嘗諫絕薛延陀失大信，勸罷征遼東，皆不納。進黃門侍郎，叅綜朝政，諫却莫離支貢金，引春秋納郤鼎爲辭。帝以其使屬吏及平高昌歲調兵千人往戍，復論不可，勸立麴文泰子弟，亦不用。突厥寇西州，帝始悔之。帝于寢宮側別置院居太子，遂良諫以父子不可滯愛，滯愛者多愆，宜許太子近師傅，專學藝以廣懿。

德帝從其言。會父喪免起復。拜中書令。帝寢疾。召入

與論中社稷臣照應

臥內。以霍光諸葛亮委之。令盡誠輔太子。又語太子

鎖住

無忌。遂良在而無憂。國家事。高宗卽位。封河南郡公。

累遷尚書右僕射。帝將立武昭儀。召長孫無忌。李勣

諫立昭儀乃遂良一生

與遂良等入內殿。遂良曰。今日之名多爲中宮上意。

大節也。文亦寫得淋漓痛快。使當目全副精神畢

既決逆之必死。太尉元舅司空功臣不可使上有殺

現毫端

元舅功臣之名。遂良起于草茅。無汗馬之勞。致位至

此。且受顧托。不以死爭之。何以下見先帝。勣稱疾無

忌等入。帝曰。罪莫大於絕嗣。皇后無子。今欲立昭儀。

謂何。遂良曰：「皇后名家子，先帝爲陛下娶之。」臨崩執
陛下手語臣曰：「朕佳兒佳婦，今以付卿。」玉音在耳，非
有大故不可廢也。帝不悅。翌日復言對曰：「陛下必欲
易皇后，請更擇令族何必武氏？」武氏經事先帝，衆所
共知。萬代之後，謂陛下何如主？帝羞默。遂良因置笏
殿階，叩頭流血曰：「還陛下笏，丐歸田里。」帝大怒，命引
出武氏在簾中，大言曰：「何不撲殺此獠？」無忌曰：「遂良
受先帝顧命，有罪不可加刑。」乃左遷潭州都督。尋轉
桂州。侍中韓瑗入韓瑗上疏言：「遂良體國忘家，損身徇物，風
化。」

霜其操鐵石其心社稷之舊臣陛下之賢佐無罪斥

去中外咸嗟願鑒無辜以慰衆望不聽瑗復言曰昔

○詳○瑗○附○遂○良○之○諫○以○傳○矣○

微子去殷國隨以亡張華不死晉不及亂陛下無故

棄逐舊臣恐非國家之福帝終不納再貶愛州刺史

而韓瑗來濟並以忠諫坐遂良黨貶死踰年遂良卒

年六十三

論曰褚遂良忠諫名臣也或疑其譖死劉洎唐書亦

病之李贄藏書至列于藝學之流微矣高宗昏庸牝

晨穿鼻彼佞如勣固不足道雖以無忌之賢亦且弗

叙瑗語特

能疆諫。遂良激切。廷爭殞身。荒徼可不謂社稷之臣。
乎。此等忠肝義膽。而有譖人于死之事。未敢信。
遂良以書法受知其骨鯁之槩。亦與書法相似。高
宗時。盈廷唯諾。遂良不避嫌怨。置笏批鱗。較之廢
立一諫。更爲顛嚴。謂之曰。社稷臣。豈溢美哉。

修姁言錄

三

裴行儉傳

裴行儉字守約。絳州聞喜人也。以父仁基爲王世充所害。蔭補弘文生。貞觀中。舉明經。調左屯衛倉曹參軍。大將軍蘇定方授以用兵奇術。顯慶二年。遷長安令。坐私論立武昭儀事。貶官。麟德二年。擢安西都護。西域諸國多慕義歸附。召爲司文少卿。遷吏部侍郎。典選十餘載。甚有能名。始設長名榜。銓注等法。又定州縣升降資擬高下爲故事。上元三年。吐蕃叛。出爲洮州道左二軍總管。又改秦州右軍。調露元年。十姓

可汗阿史那都支及李遮旬誘蕃落以動安西與吐蕃連和朝廷欲討之行儉議曰吐蕃叛渙方熾敬立失律審禮喪元安可更爲西方生事今波斯王死其子質京師宜遣使立之道過二蕃應奇術以便宜制事可不勞而成也帝卽詔行儉冊送波斯王且爲安撫大食使經莫賀延磧風砂晝冥導引者迷路將士不勝饑渴行儉止營致祭下令曰水泉非遠衆乃少安俄而雲徹風恬行數百步果得善水草至西州諸蕃郊迎行儉召豪傑千餘人自隨揚言大熱未可進駐軍須

秋都支覘知之不設備徐召四鎮酋長以畋獵爲名
陰勒部伍倍道而進去都支帳十餘里遣所親問都
都支降遮匐兵法奇快已極文亦奇絕快絕
支安否召與相見都支本與遮匐計及秋來拒忽聞
使至倉卒不知所出率子弟五百餘人詣營謁遂禽
之傳其契箭召諸部酋長悉來請命並執送碎葉城
簡精騎約齊襲遮匐道猶遮匐使者釋之俾前往諭
其主言都支已禽狀於是遮匐亦降悉俘至京師遷
禮部尚書兼右衛大將軍冬十月突厥阿史德溫傅
奉職二部俱反立泥熟匐爲可汗二十四州酋長皆

叛應都護蕭嗣業戰死詔行儉爲定襄道行軍大總
管計之行儉詐爲糧車三百乘伏壯士陌刀勁弩於
中用羸兵挽進潛以精兵踵其後賊果來掠羸兵棄
而走賊方解鞍牧馬取糧車中而壯士突出伏兵又
至殺獲幾盡自是糧車無敢近者大軍次單于北暮
立營塹壕旣周行儉命徙營高岡吏白士民安堵不
可動弗聽促徙之北夜風雨暴至前營所水深丈餘
衆驚駭問何以知行儉曰自今第如我節制不必問
所以知也賊拒戰黑山數敗殺僞可汙泥熟匐持首

來降行儉又計禽奉職乃還明年阿史那伏念復與
溫傳合行儉總諸軍屯陁口縱反應閒說伏念與溫傳
相貳伏念懼密送款請縛溫傳自効行儉秘之而密
以聞後數日望見烟塵漲天而南斥候皆惶駭行儉
曰此伏念執溫傳來降非他也顧受降如受敵勅嚴
備遣單使往勞旣而果然於是突厥餘黨悉平帝大
悅封聞喜縣公侍中裴炎害其功譖斬伏念及溫傳
于市行儉歎曰渾濬之事古今恥之但恐殺降則後
無復來矣遂稱疾不出永淳元年卒年六十四生平

以草隸名家高宗用絹素令書文選一部甚秘愛之

○叙○行○儉○書○法○特○詳○

嘗言褚遂良非精筆佳墨不書惟余與虞世南不擇

筆墨書更妍捷有文集二十卷選譜十卷草字雜體

數萬言行于世又爲營陣部伍四十六訣武后詔武

承嗣就第取去不復傳陰陽曆數無所不通尤好取

○書○人○器○量○

人善甄拔賢俊有人倫之鑒在吏部時見蘇道味王

勳許以皆掌銓衡李敬立盛稱王勃楊炯盧照隣駱

○真○讀○書○人○之○言○

賓王之才行儉曰士之致遠先器識而後文藝勃等

雖有文才而浮躁淺露豈享爵祿之器耶炯沈靜可

至令長餘得令終爲幸後咸如所料所引偏裨若程
務挺王方翼張虔勗劉敬同李多祚黑齒常之皆爲
名將平都支出瑪瑙盤示將士廣二尺文彩燦然軍
吏趨跌碎之惶怖叩頭流血行儉笑曰汝非故也何
至是所賜都支資產金器三千及橐駝馬牛皆分給
親故泊麾下數日輒盡

一○結○更○有○餘○味○

論曰行儉才兼文武君子人也學識卓然有人倫之
鑒其器量亦雅不可及令長秉銓衡和鈞石豈不爲
有唐名相乃僅僅以知兵顯而史氏遂以將帥目之

惜○夫○士○君○子○無○所○不○學○經○文○緯○武○非○有○兩○途○可○爲○知○
者○道○耳○內○則○佐○天○子○作○舟○霖○于○蒼○生○外○則○爲○國○家○揚○
皇○威○于○萬○里○此○之○謂○真○讀○書○人○豈○必○皆○如○鄧○弼○所○云○
一○服○儒○衣○遂○奄○奄○欲○絕○哉○行○儉○行○兵○以○謀○畧○見○奇○不○
以○血○刃○著○績○儒○將○風○期○尤○其○可○傳○者○也○

將貴讀書武襄所以得力於文正也行儉用兵全
以奇勝然奇而不詭于正乃見儒將風期凡真讀
書人未有不知兵者贊語寄託深矣

狄仁傑傳

狄仁傑字懷英。并州大原人也。舉明經。調汴州叅軍。黜陟使閻立本。稱爲滄海遺珠。薦授并州法曹。同僚鄭崇質母老疾。當使絕域。仁傑詣長史蘭仁基。請代行仁基嘆曰。北斗以南一人而已。遷大理丞。出滯囚。稱平恕。除侍御史。劾司農卿韋機。郎中王本立。朝廷肅然。遷度支郎中。高宗幸汾陽宮。爲知頓使。輦道出妬女祠。相傳盛服過者。致風雷之變。并州長史李冲玄發卒。開別道。仁傑曰。天子之行風伯清塵雨師灑。

道何妬女避耶止其役帝壯之俄爲寧州刺史撫和

戎落郡人勒碑以頌徵拜冬官侍郎充江南巡撫使

奏毀淫祠千七百所轉文昌右丞復出爲豫州刺史

時越王貞支黨二千人皆論死仁傑釋其械密疏皆

非本惡詿誤至此詔悉戍邊囚出寧州父老迎勞曰

情○如○盡○如○活

狄使君活汝耶相與哭碑下齋三日乃去天授二年

入爲地官侍郎同鳳閣鸞臺平章事后謂曰卿在汝

南有善政然有譖卿者欲知乎謝曰不願知誠有過

臣當改后嘆爲長者未幾爲來俊臣構捕送制獄訊

○與論○中○唐○臣○對○照

曰若反耶答曰有周革命萬物維新唐室舊臣甘從
誅戮反固實俊臣使王德壽示意令引平章事楊執
柔爲黨歎曰皇天后土使仁傑爲此乎以首觸柱血
流沫面子光遠上變書得召見與同被誣任知古等
七族悉免死契丹陷冀州河北震動召爲魏州刺史
時驅民保城脩守具仁傑至曰賊尚遠何事疲民悉
就田作來則吾自拒之敵聞其名引去俄轉幽州都
督后自製金字十二於紫袍併賜龜帶以旌其忠復
同平章事時發兵戍疏勒四鎮百姓怨苦仁傑痛切

極諫不見。納張易之嘗從容問自安計。仁傑曰。惟勸
迎廬陵王。可以免禍。會議立武三思爲太子。衆宰相
莫敢言。仁傑曰。臣觀天人未厭唐德。比匈奴犯邊。陛
下使三思募勇士踰月不及千人。廬陵王代之不浹
日。輒五萬。今欲繼統。非廬陵王不可。后怒。罷議。久之
謂仁傑曰。朕夢大鸚鵡兩翼皆折。對曰。武者陛下姓
兩翼二子也。陛下起二子則兩翼振矣。他日又問朕
數夢雙陸不勝。何也。仁傑與王方慶同辭對曰。雙陸
不勝無子也。天意者以儆陛下乎。且姑姪與子母孰

親陛下立廬陵王則于秋萬歲後常享宗廟立三思

無媿媿動人祔姑于廟之理后感悟即日遣迎廬陵王于房州

王至后匿之帳中召仁傑仁傑再三請情辭切至涕

下不能止后乃使王出曰還汝太子仁傑降拜頓首

曰太子歸未有知者人言紛紛何所取信乃復令出

周密無嫌

舍龍門具禮迎還中外大悅突厥寇趙定詔仁傑安

撫河北時民多脅從賊去懼誅仁傑疏請勿問可其

奏還除內史后幸三陽宮王公皆從獨賜仁傑第一

區眷禮卓異后將造浮屠大像度費數百萬官不能

足○令○天○下○僧○尼○日○施○一○錢○以○助○仁○傑○諫○曰○功○不○使○鬼○
必○在○役○人○物○不○天○來○終○須○地○出○不○損○百○姓○將○何○以○求○
昔○梁○武○簡○文○施○捨○無○限○及○三○淮○沸○浪○王○嶺○騰○烟○列○剎○
盈○衢○無○救○危○亡○之○禍○緇○衣○蔽○路○豈○有○勤○王○之○師○比○來○
水○旱○不○節○邊○境○未○寧○若○費○官○財○又○盡○人○力○一○隅○有○難○
何○以○救○之○后○曰○公○教○朕○爲○善○何○得○相○違○遂○罷○役○聖○曆○
三○年○卒○年○七○十○一○仁○傑○在○位○常○以○進○賢○爲○務○卒○以○所○
薦○張○柬○之○桓○彥○範○敬○暉○姚○崇○等○光○復○中○興○
論○曰○仁○傑○心○平○唐○者○也○忍○辱○事○化○主○君○子○諒○之○謂○其○

生○心○事○

特○筆○

二○十○餘○字○中○該○括○唐○臣○

機深謀長欲成匡復之功有不得不然爾人臣之義苟利國家無所不可向令仁傑潔身以去亦自爲謀則忠於唐祚究何補焉隨流合汙從容歲月使老嫗不疑羣宵不忌然後房州帝子得有反正之日蓋用心苦矣綱目于武氏命官皆書周獨仁傑東之爲相則否亦深許其爲唐臣非僞周之私人也不然行權而濟亦邀天幸倘仁傑年六十八告終何以自白于天下後世哉

房州之迎天未絕唐乎亦仁傑長者感之深也不

則牝雞驕縱肯還汝太子哉二張之誅全仗狄公
知人之明傳未特提張桓着筆不多而狄公生前
正氣若揭死後英魂如生結構獨爲精絕

張柬之傳

張柬之字孟將襄陽人也。少涉經史。尤篤好三禮。太學祭酒令狐德棻異其才。以王佐期之中進士第。授清源丞。永昌元年。以賢良召對策。擢第一。時年七十餘矣。授監察御史。遷鳳閣舍人。以言事忤旨。出爲合州刺史。轉蜀州。表言姚州地險瘴。歲發兵戍。到屯輒死。請罷置郡。后不納。俄爲荊州長史。后謂狄仁傑曰。安得一奇士用之。仁傑曰。陛下求文章資歷。今宰相李嶠。蘇味道足矣。豈文士齷齪不足與成天下務。

哉。后曰：然。仁傑曰：荊州長史張柬之，雖老宰相材也。
用之，必盡節于國。后召爲洛州司馬。他日，又求人仁
傑曰：臣嘗薦張柬之，未用也。后曰：遷之矣。曰：臣薦宰
相，非司馬也。乃授司刑少卿，遷秋官侍郎。姚崇亦論
其沈厚有謀，能斷大事。即召見，拜鳳閣侍郎、同平章。
事柬之，遂與崔玄暉、敬暉、桓彥範、袁恕已等謀誅二
張，匡復唐室。以羽林大將軍李多祚素慷慨，可動以
義，柬之從容問曰：將軍居北門幾年矣？答曰：三十年。
曰：然則今日擊鐘鼎食，貴重當世，非大帝恩乎？多祚

泣曰死不敢忘東之曰既知感恩必思以報今東宮
乃大帝子迫于嬖豎宗社廢興將軍寧有意乎多祚
仰天痛哭自誓曰苟利國家惟相公所使東之遂定
謀引李湛楊元琰薛思行及彥範暉並爲左右羽林
將軍典禁兵遂奉中宗入誅張易之昌宗等復天子
位以功擢天官尚書同鳳閣鸞臺三品封漢陽郡公
俄進漢陽王罷政事表求養疾授襄州刺史帝賦詩
祖道詔羣臣餞于定鼎門外至州持下以法雖親故
無所貸會漢水漲齧城郭因壘石爲隄以遏湍怒闔

境賴之。懇辭王爵。弗許。俄以三思計貶新州司馬。又

字傳。出妙。

流瀧州。憂憤卒。年八十二。

論曰。張柬之。真王佐。真奇士也。舉賢良。第一年七十

餘。及爲相。已八十矣。平章三月。遂誅二張。復唐室。旋

乾轉坤功。蓋千載惜不戮三思夷諸武去疾。畱根無

乃老而闇乎。所以人主用人。貴及其鋒而用之。

誅張復唐。掀天蓋地。非大手筆。不足以傳之。傳僅

五百餘言。而字裏行間。轟轟烈烈。英魄如生。其聲

調似從國策得來。而氣味更覺醇雅。

姚崇傳

姚崇本名元崇字元之陝州峽石人也突厥叱列元崇反武后以其名相類命以字行後避開元尊號又改名崇崇少倜儻尚氣節年二十居廣成澤爲獵師滿不羈之概呼鷹逐獸自喜張璟藏語以當位王佐無自棄故折節讀書舉下筆成章科累遷夏官郎中武后賢之拜侍郎后問周興來俊臣誅後不聞有反者以前論死得無冤濫崇曰當時坐謀反死者率皆興等羅織陛下使近臣覆訊近臣尚不自保何敢動搖今幸天啓

聖心凶豎殲夷臣敢以一門百口保內外官無反者

矣。后悅賜銀千兩進鳳閣鸞臺平章事未幾以張易

之譖出爲靈武道大總管東之等謀誅二張崇適還

爲元之增色

遂參計議論功封梁縣侯以流涕上陽宮出爲亳州

補點

刺史睿宗時拜兵部尚書進中書令密奏太平公主

干政危東宮請出主及二王于外貶申州刺史玄宗

一篇開鍵開元治績基于是矣

即位欲相之崇知帝大度銳于治先設十事以堅帝

意云不可則辭帝曰試言之崇曰垂拱以來以峻法

繩下臣願政先仁恕可乎朝廷覆師青海未有牽復

之悔。臣願不倖邊功。可乎。比來壬佞冒觸憲網。皆得以寵自解。臣願法行自近。可乎。后氏臨朝。喉舌之仕出闔人之口。臣願宦豎不與政。可乎。戚里貢獻以自媚于上。公卿方鎮寢亦爲之。臣願租賦外一切絕之。可乎。外戚貴主更相用事。班序荒雜。臣願戚屬不任臺省。可乎。先朝褻狎大臣。虧君臣之嚴。臣願陛下接之以禮。可乎。燕欽融。韋月將以忠被罪。自是諍臣沮折。臣願羣臣皆得批逆鱗。犯忌諱。可乎。武后造福先寺。上皇造金仙玉真二觀。費鉅百萬。臣願絕道佛營。

造可乎漢以祿莽閭梁亂天下國家爲甚臣願推此
鑒戒爲萬代法可乎帝曰朕能行之崇乃頓首謝
日拜兵部尚書同中書門下三品封梁國公遷紫薇
令崇以中宗以來貴戚爭營佛寺度僧尼富戶彊丁
削髮避役乃上言佛圖澄不能存趙鳩摩羅什不能
力鋪張元之正大處在此存秦齊襄梁武未免禍殃夫佛不在外悟之于心行
事利益使蒼生安穩是謂佛理烏用姦人以汨真教
帝善之詔天下沙汰僧尼髮而農者萬二千人禁創
造佛寺寫經百官之家毋與僧尼道士往還時帝方

勵精圖治朝夕咨訪他宰相畏帝威皆謙憚惟崇應
答如響遇事裁決無滯礙故帝獨專任之崇偶有事
謁告十餘日政務委積盧懷慎不能決惶恐入謝帝
曰朕以天下事委崇以卿坐鎮雅俗耳崇既至須臾
裁決俱盡開元三年山東蝗民不敢殺拜且祭崇遣
御史督州縣捕之懷慎以殺蝗太多恐傷和氣崇曰
奈何不忍于蝗而忍人之饑死若殺蝗有禍臣請當
之四年復蝗崇又遣捕汴州刺史倪若水上言蝗乃
天災劉聰捕之不克爲害益甚崇牒若水曰劉聰僞

主德不勝妖。今日聖朝妖不勝德。古之良守蝗不入境。今坐視食苗不救。刺史其謂何。若水懼乃縱捕。得蝗十四萬石。議者猶喧譁不止。帝疑復問崇曰。庸儒泥文不知事變。魏與後秦小忍不除。至牛馬相啖其毛。民遂相食。今縱不能捕盡。不猶愈于養以遺患乎。○救○時○大○政○帝然之。蝗害頓息。盧懷慎卒。源乾曜代之。崇病謁告。凡大政事。帝必令乾曜就咨。乾曜所奏善。帝曰。是必崇畫之。有不合。則曰。胡不問崇。帝以崇第僻遠。詔徙寓四方館。崇以館局華大。不敢居。帝曰。恨不使處禁。

中何避也。久之崇還宰政。舉宋璟自代。乃致仕九年。
卒年七十二。遺戒薄葬。治喪不許用浮屠法。崇三爲
宰相。皆兼兵部尚書。緣邊屯戍斥堠士馬儲械無不
請記。先有司罷冗職脩制度。擇百官各當其材。由是
團結道淨絕倫天子責成于下。而權歸于上。天下大治。

論曰。姚崇救時相也。舍人齊澣言之矣。斷案卽崇所自任。
亦無以過于此。崇軼事尚多大抵好將順。太用權術。
故畧其瑕而取其瑜。

通篇絕不及元之劣處。只於論末一點史筆高絕。

イ
言
金
夕
一

三

宋璟傳

宋璟，邢州南和人。也舉進士第，爲監察御史。武后高其才，遷鳳閣舍人。四○字○領○舉○全○篇居官鯁正，張易之引張說證魏元忠不軌，將廷辯。璟謂說曰：「名義至重，鬼神難欺，不可黨邪，陷正，獲罪流竄，其榮多矣。若有不測，璟當叩閤力爭，與諸子偕死，努力爲之，萬代瞻仰在此一舉也。」說感其言，始以正對。尋遷御史中丞，會飛書告張昌宗等不軌。璟請窮治，后曰：「易之已自言于朕。」璟曰：「謀反無容以首原，請下吏明國法。」后溫言解之。璟曰：「臣

知言出禍。隨然激于義。雖死不悔。后不懌。姚璿遽宣
詔。令出璟曰。聖主在此。不煩宰相擅宣敕。命后不得
已。許收就獄。俄詔原之。敕二張詣璟謝。璟拒不見。顧
左右歎曰。悔不先碎監子首。使令復亂國。經後宴朝
堂。二張皆位璟上。易之素憚璟。虛位揖曰。公當今第
一人。胡下坐。璟曰。才劣位卑。張卿以爲第一何也。天
官侍郎鄭杲曰。中丞奈何卿五郎。璟曰。以官言之。正
當爲卿君。非張家奴何。郎之有舉坐悚惕。時自武三
思以下。皆謹事易之兄弟。璟獨不爲禮。二張積怒。欲

中傷之詔按獄楊州璟奏此御史職耳復詔按幽州都督屈突仲翔辭曰中丞非大事不出仲翔罪止犯職今使臣往此必有危臣者旣而詔副李嶠使隴蜀璟復言隴右無變臣以中丞副嶠非故事易之等初冀璟出則劾奏誅之計旣不行乃伺璟家婚禮遣客行刺璟乘庫車舍他所得免神龍中累遷黃門侍郎武三思怙烝寵數有干請璟正色曰今復子明辟王宜以侯就第安得尚于朝政會韋月將告三思亂宮掖詔斬月將璟請付獄帝怒岸巾出側門謂曰朕謂

已○誅○矣○尚○何○請○璟○曰○人○言○中○宮○私○于○三○思○陛○下○不○問○
險○語○怕○人○
卽○誅○之○臣○恐○天○下○有○竊○議○者○帝○愈○怒○璟○曰○必○欲○斬○月○
將○請○先○斬○臣○不○然○不○敢○奉○詔○乃○流○月○將○嶺○南○尋○出○璟○
貝○州○刺○史○歷○杭○相○二○州○遷○洛○州○長○史○睿○宗○立○以○吏○部○
尚○書○同○中○書○門○下○平○章○事○太○平○公○主○謀○傾○東○宮○璟○言○
太○子○有○大○功○宗○廟○社○稷○主○也○安○得○異○議○請○出○公○主○諸○
大○節○
王○于○外○帝○不○能○用○貶○楚○州○刺○史○歷○兗○冀○魏○三○州○河○北○
按○察○使○進○幽○州○都○督○以○國○子○祭○酒○畱○守○東○都○遷○雍○州○
布○景○
長○史○開○元○初○徙○廣○州○都○督○教○民○陶○瓦○以○易○茅○茨○築○堵○

又肆永無災患。帝將幸東都，召拜刑部尚書、西京置
司。遣內侍楊思勗迎之。璟在途，不與思勗交一言。勗
自負貴，幸訴于帝。帝嗟嘆良久，益重璟。尋遷吏部兼
侍中。璟為相，務在擇人，隨材任使。百官各稱其職，刑
賞無私。犯顏正諫，帝甚敬憚。雖不合意，亦曲從之。每
進見，帝為之起去。則臨軒送之。突厥默啜世為中國
患，郝靈佺得其首，自謂不世之功。璟以天子好武功，
恐後干寵利者為國生事，痛抑其賞。帝幸東都，以馳
道隘，黜河南尹及知頓使官。璟曰：「陛下方事巡幸，即

總○東○一○段○以○勗○脈○團○聚○

宛○然○

以道不治罪二臣臣恐轉相飭效將來民受其弊

遽命舍之璟曰陛下以怒責之以臣言免之是過王市

調停豈一味剛果者所能辦乎璟之學問深矣

于上而恩在下也姑聽待罪于朝然後詔還其職帝

善之累封廣平郡公嘗命制皇子公主名號封進復

命別擇一美稱及佳邑封上璟奏言七子均養風人

所稱今若同等別封或母寵子愛恐傷鴈鳩之義臣

不敢奉詔帝益重之貞觀舊制諫官史官隨宰相奏

事有失卽匡美惡必記至許敬宗李義府用事政多

私僻奏事官多俟仗下屏左右密奏諫官史官不得

預聞璟請復貞觀之政制自今事非的須秘密者皆

令對仗奏聞史官自依故事括州司馬李邕儀州司

馬鄭勉並有才畧文辭璟以二人多是非好立異改

宰相麟才雅度

變若全引進咎悔必至若棄之則才用可惜並除遠

州刺史后父王仁皎卒將葬請用竇孝謚故事築墳

高五丈一尺帝許之璟請如著令已然可明日復詔

字見璟全身

如孝謚璟還詔曰僭禮厚葬前世所戒韋庶人追王

其父擅作鄴陵禍不旋踵豈可復蹈前轍臣所以再

三進言者欲全朝廷之政成中宮之美爾帝悅曰朕

掌欲正身率下於后寧有私耶然人所難言公乃能
之可其奏賜綵絹四百匹會日食素服避殿璟奏君
子恥言浮于行願動天以誠無事虛文臣聞日食脩
德月食脩刑親君子遠小人絕女謁放讒夫所謂脩
德也囹圄不擾兵甲不瀆官無苛治軍不輕進所謂
脩刑也帝嘉納之王毛仲有寵百官趨附毛仲嫁女
帝問所須毛仲曰臣萬事已備但未得客帝曰知汝
所不能致者一人耳必宋璟也明日詔璟詣其第身
中璟乃至飲不盡卮遽稱腹痛歸其剛直之操老而

晚節彌堅一生鯁正

完全無缺矣

彌篤如此。二十一年致仕歸東都。越五年卒。年七十。
五贈太尉諡文貞。後張嘉貞爲相。閱堂案見其危言。
切議。未嘗不失聲嘆息。當時以姚崇善應變。成務環
善守法。持正二人志操不同。然協心輔佐。使賦役寬
平。刑罰清省。百姓富庶。以故唐世賢相。前稱房杜。後
稱姚宋。他人莫得比焉。

論曰。宋璟剛方正直。真丈夫。真君子也。房杜且當謝
不敏。况姚崇乎。崇則能人爾。救時則可。其迎合不足
觀也。姚宋並稱。豈確論哉。

姚崇作結篇法

勢處孤危過剛必折環以戇直抗羣邪而卒能有
成者德器厚而智勇沈也篇中極力形容處處見
環之剛方却處處見環之周密筆力亦剛堅絕倫

韓休傳

韓休京兆長安人也。少工文詞。始應制舉。授桃林丞。復條對國政中乙科。擢左補闕判主爵員外郎。累遷至禮部侍郎知制誥。出爲虢州刺史。虢於東西京爲近州。乘輿經行。芻牧旁午。請均賦他郡。宰相張說不手與環傳同可。休固請。吏白恐忤相意。休曰。刺史幸知民之敝而不救。豈爲政哉。雖得罪所甘心焉。卒如休請。以母喪去服除。爲工部侍郎知制誥。遷尚書右丞。開元二十一年。帝使蕭嵩擇相。嵩稱休志行。遂拜黃門侍郎同

平章事休性方直不以進趨爲務既入相天下翕然
宜之萬年尉李美玉有小過帝將放之嶺南休曰尉
小官犯非大惡今金吾大將軍程伯獻恃恩而貪室
宅輿馬僭法度臣請先伯獻而後美玉帝不許休固
爭曰罪細且不容而巨猶乃置弗問陛下不出伯獻
宋璟臣不敢奉詔帝不能奪初蕭嵩以休恬和易制故薦
又○以○蕭嵩○形○休○之○直之及與共事守正不阿時或折正嵩嵩不能平又凡
點○有○時政得失言之未嘗不盡宋璟嘆曰不意休乃能爾
仁者之勇也帝嘗獵苑中或大張樂稍過甚必視左

右曰韓休知否言未已諫疏已至帝時引鑑默然不
樂左右曰自韓休爲相陛下殊瘦于舊戚戚無一日
懽何不逐之帝曰吾雖瘦天下肥矣蕭嵩每啓事順
旨我退而思天下寢不安韓休數陳治道多訐直我
退而思天下寢必安吾用韓休爲社稷耳非爲身也
加銀青光祿大夫是冬十月罷爲工部尚書遷太子
少師封宜陽縣子卒年六十八諡文忠
論曰韓休小宋璟也三月相之十月罷之直道不容
開元之業衰矣用休爲社稷豈其然乎

宋璟之後有韓休魏徵之後有馬周也開元之業
幾並貞觀有由哉傳以張說蕭嵩作反照以宋璟
作正照尺幅中變換不測矯若游龍筆仗斬截亦
與璟傳相似

張九齡傳

張九齡字子壽韶州曲江人也。七歲知屬文。十三以書干刺史王方慶。方慶嘆曰：是必致遠。張說謫嶺南。○便○見○風○度○動○人○一見厚遇之。與通譜系。成進士。調校書郎。以道侔伊呂。科策高第。爲左拾遺。玄宗卽位。未郊。九齡言：陛下紹休聖緒。于今五載。而未行大報。怠于事天。不可。又言：元元之衆。懸命于縣令。宅生于刺史。欲治之本。莫若重守令。宜遂科定其資。凡不歷都督刺史。雖有高第。不得任侍郎列卿。不歷縣令。不得任臺郎給舍。又

古之選士。惟取稱職。今不正其本而設巧于末。吏部
洞達時勢以立言括盡考課之弊
條章舉羸千百。求精于案牘。而忽于人才。是所謂遺
劍中流。鏤舟以記者也。時張說為宰相。親重之。嘗曰
後出詞人之冠也。遷中書舍人。封曲江男。俄改太常
少卿。出為冀州刺史。以母老表換洪州都督。徙桂州。
兼嶺南按察使。帝思說嘗薦其才可備顧問。召為秘
書少監。集賢院學士。遷一部侍郎。知制誥。數乞終養。
不許。以其弟九臯九章為嶺南刺史。歲時聽給驛省
家。遷中書侍郎。以母喪解。是歲奪哀。拜平章事。辭不

許明年遷中書令。帝欲相李林甫。九齡曰：宰相係國家安危。陛下相林甫，臣恐他日為廟社之憂，不聽。范陽節度使張守珪以斬可突單于功，欲用為侍中。九齡曰：宰相代天理物，不可以為賞功之具。帝曰：假其名，若何？對曰：名器不可假也。守珪纔破契丹，即以為相，若盡滅突厥，當以何官賞之？帝乃止。既又欲以涼州都督牛仙客為尚書。九齡曰：不可。尚書古之納言。唐興以來，惟舊相及敍歷中外有德望者，乃為之。仙客本河湟使典，使班常伯天下，其謂何？帝曰：然則加

實封對曰。封爵所以勸有功也。邊將積穀繕械。乃常職耳。賞以金帛可也。裂地則非所宜。帝默然。林甫曰。仙客宰相才也。何有于尚書。九齡書生。不達大體。帝悅。明日復以實封爲言。九齡固執如初。帝怒曰。卿以仙客寒微耶。如卿有何門閥。九齡頓首曰。臣荒陬孤生。陛下過聽。以文學用臣。仙客目不知書。若大任之。案恐不愜衆望。林甫退而言曰。苟有才識。何必辭學。天子用人。有何不可。帝由是決用仙客。九齡戾旨。懼遂爲林甫所中。因賜白羽扇。獻賦自況。其末云。苟効用。

之得雖殺身而何忌又曰縱秋氣之移奪終感恩于
篋中帝雖優答然寢疎之卒以尚書右丞相罷政事
而用仙客又以嘗薦周子諒爲御史坐舉非其人貶
荊州長史久之封始興縣伯請歸展墓卒年六十八
諡文獻九齡結上生下神力越振體微弱而有醞藉風度凝然其後帝每
用人必問曰風度能如張九齡否先是千秋節王公
並獻寶鑑九齡獨上事鑒十篇號千秋金鑑錄以伸
諷諭居常諤諤有大臣節遇事無細大必極言得失
所推引皆正人武惠妃謀陷太子瑛九齡執不可妃

密遣宦奴告之曰廢必有興公爲援宰相可長處也。
九齡叱曰房幄安得有外言遽奏之帝爲動色故終。
九齡之相太子無患安祿山初以范陽偏校入奏事。
氣驕蹇九齡謂裴光庭曰亂幽州者此胡雛也後敗。
于奚契丹張守珪執送京師九齡署其狀曰穰苴出。
師必誅莊賈孫武習戰猶戮宮嬪守珪法行于軍祿。
山不容免死帝不許赦之九齡固爭曰祿山狼子野。
心且其貌有反相宜誅之以絕後患帝曰卿勿以王。
夷甫識石勒枉害忠良竟不聽帝後在蜀思其忠爲。

○晚○矣○
泣下因遣使致祭厚恤其家開元後天下稱曲江公而不名云

論曰九齡忠貞鯁直亦宋璟之流亞也知林甫他日爲廟社之憂料祿山必反燭照數計天寶間事已瞭然矣使立宗能用其言安有踉蹌蜀道之苦哉名爲宰相而未嘗一日信任唐自求覆九齡其將如之何

結○得○天○矯

曲江納諫幾欲追踪鄭國金鑑不塵封四紀天子寧逼於大軍哉蜀中泣下風度如生妙將九齡忠諫要著俱於篇終追叙極蘊藉却極悲壯別具一

種風神

竹月言集卷一

三

張巡許遠傳

張巡、鄧州南陽人也。自幼志氣高邁。略細節所交必

大人長者。不與庸俗合。既長。博通羣書。曉戰陣時人

巡之兵法

莫知也。開元末。登進士第。爲清河令。報最入都。或勸

引起巡之志節

一見楊國忠。必大顯用。巡不可。更調真源令。祿山反。

哭廟朝像千

譙守楊萬石逼巡。爲長史。使西迎賊。巡率吏民哭于

載灑睢陽之淚

玄元皇帝廟。起兵討賊。至雍丘。其令狐潮舉郡附

賊。縛吏民不從者百餘。將殺之。潮出行部囚相與解

縛。殺守者而迎巡入城。以拒潮。巡屠潮妻子。徼城上

潮大怒。以衆四萬薄城。巡謂諸將曰。賊兵銳。有輕我。心。今出不意擊之。必驚潰。乃分千人乘城。而自驅數。隊。出直衝賊陣。人馬辟易。賊退。明日復進。設百樓攻。城。巡束芻灌膏焚之。賊不得上。積六十餘日。大小三。百戰。潮乃敗走。潮素與巡有舊。至城下自說。巡曰。君平生以忠義自許。今日之舉。忠義何在。潮慚而退。圍守復四十日。朝廷聲聞不通。有大將六人。白巡以。兵勢不敵。且上存亡未可知。不如降。六人者。皆官開。府位特進。巡陽許諾。旦日堂上設天子畫像。率軍士。

權貴羞死

奇忠

一時

朝○皆○感○泣○乃○引○六○將○至○責○以○大○義○斬○之○會○糧○乏○潮○餉○
賊○鹽○米○數○百○艘○且○至○巡○夜○壁○城○南○潮○悉○軍○來○拒○巡○遣○
勇○士○銜○枚○渡○河○取○鹽○米○千○斛○焚○其○餘○而○還○城○中○矢○盡○
巡○縛○藁○爲○人○披○黑○衣○夜○縋○城○下○潮○兵○爭○射○之○得○矢○數○
十○萬○其○後○復○夜○縋○人○賊○笑○不○設○備○乃○以○死○士○五○百○斫○
潮○營○潮○軍○大○亂○焚○壘○幕○追○奔○十○餘○里○賊○慚○益○兵○來○圍○
巡○使○雷○萬○春○立○城○上○與○潮○語○賊○射○之○面○中○六○矢○而○不○
動○潮○疑○木○人○諜○得○其○實○乃○大○驚○遙○謂○巡○曰○向○見○雷○將○
軍○知○足○下○軍○令○矣○然○其○如○天○道○何○巡○曰○君○未○識○人○倫○

死○只○於○此○處○看○得○透○耳

焉○知○天○道○未○幾○薪○水○竭○給○潮○退○二○舍○欲○引○軍○走○潮○許○
之○空○城○四○出○三○十○里○撤○屋○發○木○還○爲○備○潮○怒○圍○復○合○
巡○又○曰○歸○我○馬○三○十○匹○我○且○出○奔○君○取○城○矣○潮○歸○馬○
巡○悉○以○給○驍○將○約○曰○賊○至○人○取○一○將○明○日○潮○來○三○十○
騎○突○出○禽○十○四○將○斬○首○百○餘○級○收○其○牛○馬○器○械○潮○遁○
還○陳○畱○不○復○出○於○是○河○南○節○度○使○魏○王○巨○屯○彭○城○假○
巡○先○鋒○俄○而○魯○東○平○濟○陰○陷○于○賊○巨○引○兵○走○臨○淮○賊○
將○楊○朝○宗○謀○趨○寧○陵○絕○巡○餉○道○巡○乃○拔○衆○保○寧○陵○始○
與○睢○陽○太○守○許○遠○相○見○是○日○朝○宗○亦○至○遣○雷○萬○春○南○

引○入○許○遠○妙○

雷○南○並○

○齊○雲○等○與○戰○寧○陵○北○大○破○之○斬○將○二○十○殺○賊○萬○餘○朝○
宗○遁○去○詔○拜○巡○河○南○節○度○副○使○至○德○二○載○祿○山○死○慶○
緒○遣○尹○子○奇○將○突○厥○兵○十○三○萬○攻○睢○陽○許○遠○告○急○巡○
引○兵○入○睢○陽○助○之○厲○士○固○守○日○中○二○十○戰○氣○不○衰○遠○
自○以○材○不○及○巡○請○專○治○軍○糧○戰○具○居○巡○下○巡○受○不○辭○
晝○夜○苦○戰○十○六○日○擒○賊○將○六○十○餘○人○殺○卒○二○萬○子○奇○
大○敗○遁○去○詔○拜○巡○御○史○中○丞○遠○侍○御○史○已○而○子○奇○復○
圍○城○巡○椎○牛○饗○士○悉○軍○拒○戰○賊○望○見○兵○少○大○笑○巡○率○
諸○將○衝○賊○陣○賊○大○潰○逐○北○數○十○里○會○方○刈○麥○巡○夜○濟○

矢○回○射○佛○寺○浮○圖○矢○着○輒○曰○吾○破○賊○還○必○滅○賀○蘭○此○

奇○壯○

矢○所○以○志○也○次○寧○陵○得○廉○坦○兵○三○千○夜○冒○圍○入○且○戰○

且○行○至○城○下○大○戰○壞○賊○營○死○傷○之○外○僅○得○千○人○驅○賊○

牛○數○百○入○城○將○士○相○持○而○泣○賊○知○外○援○絕○圍○益○急○衆○

一○語○見○張○許○扶○唐○大○功○不○滅○郭○李○

議○東○奔○巡○遠○謀○曰○睢○陽○江○淮○保○障○也○若○棄○之○賊○乘○勝○

而○南○江○淮○必○亡○且○師○饑○衆○行○必○不○達○不○如○死○守○茶○紙○

既○盡○乃○食○馬○馬○盡○羅○雀○掘○鼠○或○煮○鎗○弩○以○食○雀○鼠○又○

慨○然○潜○然○

盡○食○老○弱○婦○女○巡○出○愛○妾○曰○諸○軍○經○年○乏○食○而○忠○義○

不○衰○吾○恨○不○能○割○肌○以○啖○汝○寧○惜○一○妾○遂○殺○以○饗○士○

遠亦殺奴僮。哺卒人知必死。無有叛者。所餘纔四百。南入遠妙。
人十月癸丑。賊登城。士病莫能戰。巡西向拜曰。臣力。應成章法。
竭矣。生不能報陛下死。當爲厲鬼以殺賊。城遂陷。與。又入遠妙。
遠俱執。衆見之皆哭。巡曰。安之勿怖。死乃命也。子奇。
問曰。聞公每戰大呼。輒背裂齒皆嚼碎。何也。曰。吾志。
吞逆賊。恨力不能耳。子奇以刀抉視之。巡大罵附賊。大義凜然。
犬彘不絕口。子奇又脅霽雲降。巡呼曰。南八男兒死。南八真不愧男兒。
爾不可爲不義。屈霽雲笑曰。欲將有爲也。公知我者。並結萬春。
敢不死。遂與姚閭雷萬春等三十六人俱遇害。生致。

許遠于洛陽至。偃師亦不屈死。巡遠俱年四十九。巡

長七尺。美鬚髯。讀書不過三復。為文章不立稿。所在

士卒居人。一見問姓名。後無不識。歷大小四百餘戰。

斬將三百。殺賊卒十二萬人。用兵不依古法。令諸將

教戰。各以其意。或問之。答曰。胡人務馳突。雲合鳥散。

變態百出。不可以古法拘。吾止使兵識將意。將識士

情。上下相習。人自為戰耳。其甲械皆取之于敵。未嘗

自脩。推誠待人。無所疑慮。臨危應變出奇。無窮號令。

明賞罰。信與眾共甘苦。寒暑雖厲。養必整衣。見之故

其下爭致死力能以少擊衆未嘗敗肅宗詔張鎬率

四節度救睢陽巡亡三日而鎬至十日而廣平王收

東京時謂巡蔽遮江淮阻賊勢天下不亡乃其功也

詔贈巡遠等死事諸人並寵其子孫立廟睢陽歲時

致祭睢陽雍正租稅並賜復

許遠者雖敬宗曾孫然爲人寬厚長者明于吏治祿

山反或薦于朝召拜睢陽太守遠與巡同年生而長

故巡呼爲兄大曆中巡子去疾上書以遠畏死誤國

家事請追奪官爵詔下百官議皆以遠守睢陽子奇

睢陽功案

許叙去疾事爲合傳

屠城以生致主將爲功其後巡而死不足惑當時去
疾尚幼事未詳知且艱難以來忠烈未有先二人者
事載簡書若日星不可妄議乃止元和時韓愈讀李
翰所爲巡傳以爲闕遠事非是且力明遠之不畏死
云。

論曰張巡忠義貫星日且其才亦不世出使假以尺
寸之柄馳驅中原收復兩京豈出子儀下遠推賢讓
能同心共濟至死不少回屈亦可謂志士仁人相得
益彰矣嗟彼孤城餓卒經數百戰而未嘗一敗卒障

江○淮○以○保○東○南○半○壁○設○睢○陽○有○糧○足○食○賊○其○將○如○之○
何○爲○邦○者○所○以○貴○積○儲○也○點出

開府特進稽首賊庭有慨乎其言之也朱子謂明
皇若早得巡等而用之豈不能銷患於未萌哉月
餘不食經年乏食固是積儲無策亦見當時食人
之祿者尸素鮮恥而睢陽獨以孤軍羸卒保冀東
南功愈難而愈奇矣史識獨超是一篇絕大關係
文字

顏真卿杲卿傳

顏真卿字清臣師古五世從孫也開元中登進士制
舉二科再遷監察御史使河隴時五原有冤獄天久
旱真卿辯獄而雨郡人呼御史雨焉遷殿中侍御史
以不附楊國忠出爲平原太守度安祿山必反陽託
霖雨增埤濬隍簡丁壯儲廩祿山以其書生不虞
也祿山反河朔盡陷獨平原城守具備又使參軍李
平馳奏帝聞亂方嘆河北二十四郡無一忠臣及平
至大喜謂左右曰朕不識真卿何如人乃能若此真

志○節○與○張○巡○同

彭○矣○
所○識○者○何○人○耶○妙○卽○從○立○宗○口○中

卿又連約諸郡募勇士大饗城西門諭以舉兵討賊

寫出棄賢之罪

起兵亦

慷慨泣下咸感勵由是饒陽濟南清河景城鄴郡各

以衆歸軍聲大振賊破東都遣段子光傳李澄盧奕

蔣清首徇河北真卿斬子光給諸將曰吾素識三人

其首皆非是令藏之私爲位以哭詔拜真卿戶部侍

郎加河北招討採訪使攻魏郡拔之肅宗卽位靈武

拜工部尚書仍領使祿山遣史思明等攻河北諸郡

復陷真卿謀于衆曰賊銳甚委命辱國非計也不如

赴行在至德元載棄郡渡河至鳳翔授御史大夫時

朝廷雖草昧而真卿繩治如平日。劾侍郎崔漪諫議大夫李何忌。廣平王府都虞侯管崇嗣等百官肅然。宰相厭其多言。出爲馮翊太守。轉蒲州刺史。爲御史唐旻誣劾。貶饒州。乾元二年。拜浙西節度使。度劉展將反。預飭戰備。李峘以爲生事。毀之。名爲刑部侍郎。李輔國遷上皇西宮。真卿率百官問起居。輔國惡之。貶蓬州長史。代宗立。改尚書右丞。宰相元載又惡之。俄拜刑部尚書知省事。封魯郡公。元載專權。畏羣臣論奏。請自今百官論事。皆先白宰相。然後上聞。真卿

上疏極論謂林甫國忠尚不敢顯約百司使先關白
今日之事曠古未有陛下不早覺悟漸成孤立悔無
及矣未幾貶峽州別駕載誅楊綰薦之擢刑部尚書
進吏部德宗立楊炎當國又以直下容改太子少師
惡豈特河南北二十四郡哉
然猶領使及盧杞為相益不喜改太子太師罷使數

遣人問以方鎮所便欲出之真卿見杞辭曰先中丞
傳首平原面流血吾不敢以衣拭親舌舐之公忍不
驚○魄
見容乎杞矍然下拜而銜恨切骨李希烈陷汝州杞
建議遣真卿往諭李勉以為失元老貽朝廷羞不聽

至河南河南尹鄭叔則勸勿往真卿曰君命也不可
避既至宣詔旨希烈養子千餘拔刃爭進諸將皆嫚
罵將食之真卿色不變希烈以身扞麾衆退乃就館
逼令上疏雪罪罷兵真卿不從希烈遣李元平說之
真卿叱曰汝受國委任不能致命顧吾無兵戮汝尚
說我耶他日希烈大會使倡優斥侮朝廷真卿怒曰
二○字○刺○心○公人臣奈何如是拂衣起希烈大慚適朱滔王武俊
田悅李納使者皆在坐謂希烈曰聞太師名德久矣
公欲建大號求宰相無如太師者真卿叱曰若等聞

顏常山否吾兄也雖被執詬賊不絕口吾年且八十

官太師吾守吾節死而後已豈受鼠輩脅耶羣賊失

色乃以兵拘守掘坎于庭示不屈且阮真卿怡然曰

死吾分也何多為計會其黨周會康秀林等謀襲希

烈奉真卿為帥事洩乃拘真卿蔡州度必死預作遺

表墓誌祭文希烈僭號問儀式答曰老夫耄矣所記

諸侯朝覲禮耳賊積薪于庭示不屈且焚真卿起赴

火賊遽止之已而賊弟希倩坐朱泚黨伏誅希烈怒

遂遇害年七十六三軍皆慟賊平子顏頤護喪還帝

廢朝五日。贈司徒諡文忠。真卿立朝正色剛而有禮。非公言正道不萌于心。天下不以姓名稱而獨曰魯公。魯公善正草書筆法。遒勁爲世所寶。

結魯公字法筆亦遒勁

杲卿字昕與真卿同五世祖。以文儒世其家。父元孫有名垂拱間。登上第。終濠州刺史。杲卿以蔭補遂州司法參軍。性剛正。涖事明敏。開元中與兄春卿弟曜卿並書則超等再遷范陽戶曹參軍。政稱第一。祿山聞其名表爲常山太守。及反至藁城。杲卿力不能拒。偕長史袁履謙迎之。祿山予二人金紫。質其子弟。使

守常山又使假子李欽湊以兵七千屯土門杲卿指
其衣謂履謙曰何爲著此履謙悟因共謀起兵討賊
適真卿在平原斬段子光遣甥盧逖至常山約起兵
斷賊北道杲卿大喜卽矯祿山命名欽湊計事醉而
斬之賊將高邈何千年適至皆禽械併欽湊首送京
師傳檄河北言王師二十萬人土門遣郭仲邕領百
騎爲先鋒馳而南曳柴揚塵望者謂大軍至賊張獻
誠方圍饒陽棄甲走於是河北十七郡皆斬僞刺史
傳首常山推真卿爲盟主燕趙大震祿山懼使史思

明蔡希德合兵晝夜攻常山。杲卿起兵，纔八日，守備

與賀蘭同。

常山之。

未完。告急王承業。承業擁兵不救。杲卿晝夜拒戰，糧

陷亦與睢陽同。

盡，矢竭六日而陷。與履謙同被執，脅使降，不應。加刃

少子季明頸上，曰：「降活，而子亦不應。」遂并盧逖殺之。

生致杲卿於洛陽。祿山數之曰：「吾擢汝太守，何所負

而反？」杲卿瞋目罵曰：「汝本營州牧羊奴，天子擢汝為

復於常山口中見明皇保姦之罪。

三道節度使，恩幸無比，何負于汝？而反乎？我世為唐

臣，守忠義，恨不斬汝萬段，豈從汝反邪？」祿山大怒，縛

之天津橋柱，節解以肉噉之，罵不絕口。賊鉤斷其舌。

卷之三

曰復能罵否乃含糊而絕年六十五履謙被斷手足

結履謙

賊黨在傍咀血噴其面賊斃之果卿宗子近屬皆遇

與二〇十四郡相對照

害顏氏究者三十餘人楊國忠用張通幽之譖不加

褒贈真卿表其枉乃杖殺通幽贈果卿太子太保謚

忠節

論曰真卿果卿各以其郡舉兵討賊事雖無成大義

凜千載矣義聲一動河北響應以二公之才烏合二

十萬而常山未及旬日平原亦即不支胡氏史論謂

提明固然然獲報多矣

明皇保姦棄賢天固不使得忠義之報信夫果卿罵

賊百世下如聞其聲真卿立朝忠貞勁直侃侃乎社稷之佐臨難則抗節賊庭至死不屈二人爲唐室增光豈少哉

此與張許傳皆作者慘澹經營之篇保姦棄賢天寶禍源卽兩傳骨子朱子云天寶之亂巡遠杲卿之流皆人主不識面目之人也篇首提河北廿四郡與張許傳提開府特進同指以後處處關抱轟烈崢嶸文字之不可磨滅者龍門扶風之間高置一座

海濱之二十四日之人也其言甚奇其言甚
奇而所謂則於下二十年之久其言甚奇其言
甚奇而所謂則於下二十年之久其言甚奇其言
甚奇而所謂則於下二十年之久其言甚奇其言
甚奇而所謂則於下二十年之久其言甚奇其言

其言甚奇其言甚奇其言甚奇其言甚奇其言
甚奇其言甚奇其言甚奇其言甚奇其言甚奇
其言甚奇其言甚奇其言甚奇其言甚奇其言
甚奇其言甚奇其言甚奇其言甚奇其言甚奇
其言甚奇其言甚奇其言甚奇其言甚奇其言
甚奇其言甚奇其言甚奇其言甚奇其言甚奇

郭子儀傳

郭子儀華州鄭人也。以武舉異等累遷朔方節度使。

高健無比

討安祿山。先是安思順為朔方子儀與李光弼俱牙

入光弼

將。不相能。及代思順。光弼入見。曰。死固甘。乞免妻子。

子儀趨下堂抱而泣。曰。今國亂主遷。豈懷私忿時耶。

卜於此矣。接筆敏捷。

執其手相持而拜。因率軍東討。收靜邊。斬賊將周萬

頃。敗高秀巖于河曲。遂收雲中馬邑。引軍下井陘。與

光弼合。破史思明衆數萬。平藁城。破趙郡。又破之于

沙河。祿山益出精兵與戰。未決。戮一步將以徇。復大

六○字○絕○大○神○力○

破○之○晝○揚○兵○夜○擣○壘○賊○不○得○休○息○復○乘○其○倦○與○光○弼○

僕○固○懷○恩○等○擊○之○嘉○山○斬○獲○六○萬○思○明○奔○博○陵○於○是○

河○北○諸○郡○皆○斬○賊○守○迎○王○師○會○哥○舒○翰○敗○績○潼○關○帝○

出○奔○蜀○肅○宗○卽○位○靈○武○詔○子○儀○班○師○乃○率○步○騎○五○萬○

赴○行○在○時○朝○廷○草○昧○衆○單○寡○軍○容○闕○然○至○是○國○威○始○

振○人○有○興○復○之○望○焉○拜○兵○部○尚○書○同○平○章○事○仍○總○節○

度○賊○將○阿○史○那○從○禮○誘○河○曲○九○姓○六○州○諸○胡○數○萬○迫○

行○在○子○儀○與○回○紇○葛○羅○支○擊○敗○之○河○曲○遂○平○至○德○二○

年○大○破○崔○乾○祐○于○潼○關○乾○祐○退○保○蒲○津○又○攻○蒲○津○平○

之自是潼陝之間無復寇掠安祿山死詔還鳳翔進

健筆

司空充關內河東副元帥率師趨長安與賊將安太

振起

清安守忠戰失利收合餘衆保武功俄從元帥廣平

壯甚

王率番漢兵十五萬收復長安與賊將李歸仁大戰

自午至酉斬首六萬級生禽二萬賊帥張通儒棄城

如見扶杖情形

走翼日王入京師老幼夾道呼曰不圖今日復見官

軍王休士三日遂東安慶緒遣嚴莊悉衆十萬助通

儒旌幟鉦鼓徑百餘里子儀以軍橫貫其營李嗣業

率回紇從後來擊大敗之莊等走洛陽挾慶緒渡河

保相州。遂收東都。於是河東河西河南州縣悉平。以功加司徒。封代國公。入朝。帝遣具軍容迎。灞上勞之。曰。國家再造。卿之力也。乾元元年。破賊河上。執安守忠。以獻。復朝京師。進中書令。詔九節度大舉討慶緒。以魚朝恩爲觀軍容使。而不立元帥。子儀復收衛州。執賊安慶和。斬首四萬。進圍相州。引漳水以灌城。城中糧盡。人相食。慶緒求救于思明。思明至。會大風。拔木。跬步不相物色。諸節度潰還。子儀獨全軍保河陽。時王師衆而無統。進退相顧。望故及于敗。魚朝恩讒

召子儀還以光弼代領朔方兵接得陵健思明再陷河洛西蕃
逼畿輔朝廷旰食復以子儀爲諸道兵馬都統以兵
趨范陽詔下朝恩又沮解之明年光弼敗邙山失河
陽又明年河中亂殺李國貞太原亂戕鄧景山乃復
以子儀爲朔方河中北庭潞儀澤沁等州節度兼興
平定國副元帥封汾陽郡王屯絳州時帝已不豫羣
臣莫得見子儀固請乃引至臥內謂曰河東事一以
委卿子儀至屯誅首惡王元振等數十人辛雲京聞
之亦殺害景山者諸鎮皆惕息代宗立程元振用事

罷子儀副元帥。子儀懼讒。哀肅宗所賜詔勅千餘篇。

遙○接○得○妙○

上之復自陳訴。帝優詔答。初帝與子儀平兩京。同天

下。憂患至。是悔悟。眷禮彌重。史朝義尚盜洛。欲使副

雍王東討。朝恩元振交訾而止。久之。梁崇義據荆襄。

○字○法○

叛。回紇吐蕃寇河西。殘涇州。犯奉天。武功。遽拜子儀

○用○一○字○領○起○下○數○行○文○字○史○

為關內副元帥。鎮咸陽。時罷歸已久。部曲離散。逮承

○遷○撫○長○處○在○此○

詔。麾下才二十騎。驅民馬補行隊。至咸陽。蕃兵已過

渭水。並南山而東。帝走幸陝。子儀南收兵。得武關防

○二○十○騎○數○千○卒○倉○卒○中○倫○能○安○排○盡○善○

卒數千。泣諭將士共雪國恥。皆感激思奮。帝恐吐蕃

出潼關。徵子儀詣行在。子儀表曰。臣不收京城。無以見陛下。若兵出藍田。敵亦不敢東向。帝許之。會張知節迎子儀于洛南。乃遣知節率烏崇福。長孫全緒爲前鋒。營韓公堆。擊鼓譟山。張旗幟。夜叢萬炬。以疑賊吐蕃。夜潰。遂遣李忠義屯苑中。王仲昇守朝堂。斬射生將王甫。以狗破賊書聞。帝以子儀爲京城畱守。自○落○陡○起○文○筆○不○可○端○倪○變生。倉卒。天子出走。天下皆咎程元振。元振懼。說帝都洛陽。已可。其奏。子儀奏請還都。反覆論二京形勢。甚明切。帝覽之流涕。乃還長安。旣見子儀。謂朕用卿

晚故至此因賜鐵券圖彤凌煙閣廣德二年僕固懷
恩反詔子儀爲關內河東副元帥河中節度等使懷
恩將士聞之皆曰吾輩從懷恩爲不義何面目見汾
陽王子儀至河中懷恩走雲州復誘吐蕃回紇黨項
十萬衆入寇朝廷震恐詔子儀屯奉天召問方畧子
儀曰懷恩勇而少恩士心不附所以能入寇者因思
歸之士耳懷恩本臣偏裨其麾下皆臣部曲必不忍
以鋒刃相向無能爲也至奉天諸將請戰子儀曰客
深入利速戰彼其下素德我吾緩之當自携貳因下

所以無面目入汾陽王

令敢言戰者斬堅壁數日果不戰而遁子儀入朝進
尚書令子儀以太宗嘗爲此官固辭不拜永泰元年
懷恩盡誘吐蕃回紇黨項羗渾奴刺等三十萬衆掠
涇汾躡鳳翔入醴泉奉天京師大震急召子儀屯涇
陽軍纔萬人比到敵圍已合子儀命諸將嚴設守備
而不戰懷恩暴死回紇吐蕃爭長不相睦子儀使李
光瓚說回紇共擊吐蕃回紇不信曰令公在此乎給
我耳若在此可得見乎光瓚報子儀子儀請挺身往
說之遂與數騎開門出傳呼曰令公來回紇大驚其

帥藥葛羅執弓注矢立陣前。子儀免胄釋甲投鎗而進。諸酋長相顧曰：是也。皆下馬羅拜。子儀亦下馬前。如○舊○識執藥葛羅手讓之曰：汝回紇有大功于唐，唐之報汝亦不薄。奈何負約深入吾地，背恩德而助叛臣？且懷恩叛君，棄母於汝國，何有今？吾挺身而來聽汝，執我殺之。我之將士必致死與汝戰矣。藥葛羅曰：懷恩欺我。言天可汗晏駕，令公亦捐館。我是以來，今皆不然。懷恩又爲天所殺。我曹豈肯與令公戰乎？子儀因曰：吐蕃無道，所掠之財不可勝載。牛馬雜畜長數百里，此

大以賜汝也。全師而繼好，破敵以取富，爲汝計甚便。
藥葛羅曰：吾爲懷恩所悞，負公誠深。請爲公盡力擊。
吐蕃以謝過。子儀命取酒與其酋長共飲，申盟誓。諸
酋皆大喜曰：「曷者？」巫師言：「此行甚安穩，不與唐戰，見
一大人而還，今果然矣。」吐蕃知其謀，夜遁去。遣白元
光合回紇衆追之，俘斬六萬，盡還所掠士女資畜。不
可勝計。入朝，加實封二百戶，復還河中。大曆二年，吐
蕃寇涇州，詔子儀屯涇陽，敗之于靈州。明年還河中。
吐蕃復寇靈武，詔屯奉天，又擊敗之。議者以吐蕃數

爲寇。馬璘在邠不能支。乃以子儀兼邠寧慶節度使。
屯邠州。德宗嗣位。詔還朝。賜號尚父。加太尉中書令。
實封二千戶。建中二年卒。年八十五。贈太師。陪葬建
陵。諡忠武。配饗代宗廟。廷子儀事上誠御下恕。賞罰
必信。每降城下邑。所至輒得人士心。遭幸臣魚朝恩
程元振短毀。無纖毫顧望。握兵處外。聞詔命。卽日就
道。故讒閒不行。方破吐蕃靈州時。朝恩使人發其父
墓。子儀入朝。中外大懼。帝唁之。子儀叩頭號泣曰。臣
久主兵。不能禁士卒無殘人之墓。今及此。乃天譴也。
引。答。妙。

朝恩又嘗約子儀脩具元載使人告曰軍容將不利
于公將士請衷甲以從子儀不聽但以家僮十數人
往朝恩曰何車騎之寡也語以所聞且曰恐煩公經
營耳朝恩拊膺流涕曰非公長者能無疑乎田承嗣
傲狠不軌子儀遣使至魏承嗣西望再拜謂使者曰
此膝不屈于人若干年矣李靈耀據汴州公私財賦
一皆遏絕獨子儀封幣道其境不敢畱卽持兵衛送
麾下李懷光渾瑊等宿將數十皆王侯貴重子儀頤
指進退如家人然代宗呼爲大臣而不名天下以其

人篇法渾成今公盛德曲曲傳山

回紇呼大人朝恩呼長者情

景入妙

○鎖○全○篇○力○大○于○身○

作史記筆卷上

身爲安危者二十餘年校中書令考二十四八子七
婿皆貴顯朝廷諸孫不能盡識至問安但領之而已
富貴壽考終始哀榮人臣之道無闕焉

論曰子儀一生惟忠與誠而已功蓋唐室而主不疑
疑無從入也權傾天下而衆不嫉嫉能自消也在易
中孚可化豚魚孔子曰言忠信行篤敬雖蠻貊行矣
吾于回紇魚朝恩見之

渾渾灝灝筆所未到氣已吞真不愧古之立言者
豈與文人論傳不傳耶

李光弼傳

李光弼營州柳城人也。父楷洛本契丹酋長。開元初。
封薊國公。光弼幼持節行讀書。執禮父憂終喪不入。
妻室祿山之亂。子儀薦其能。詔攝御史大夫河東節
度副使。領朔方兵救常山。次真定。常山民兵執安思
義降。光弼不殺。時自顏杲卿死後。郡爲賊區。露齒蔽
野。光弼酌而哭之。出爲賊幽閉者。恤其家。民心大悅。
賊將史思明。李立節。蔡希德。攻饒陽。光弼用思義計。
按軍入守。復提輕兵。斂旗鼓。伺賊方飯。襲殺之。且盡。

思明懼引去。因東出井陘。與子儀合擊。思明大敗走。
趙郡立節戰死。希德走鉅鹿。遂收藁城等十餘縣。詔
加光弼范陽節度使。進攻趙郡。拔之。又與子儀擊之。
嘉山大破之。肅宗卽位。詔以兵赴靈武。授戶部尚書。
同平章事。兼太原尹。北京畱守。監軍御史崔衆以前
使王承業軍政弛謬。每狎侮之。至是詔以兵付光弼。
衆慢易如舊。不卽付兵。光弼怒。收衆將斬之。會使者
至。除衆御史中丞。光弼曰。衆有罪當斬。今但斬侍御。
史若宣制命。卽斬中丞。使者納詔。不敢出。遂斬衆。以

○轟○烈○怕○人○

○叙○軍○令○

狗威震三軍至德二載思明等引兵十萬攻太原時
城中卒不滿萬衆議培城以守光弼曰城環四十里
賊至興役是先自困也乃撤屋爲擱石車飛礮擊賊
死傷十二復穿地道迎之思明梯衝近城輒陷賊宴
城下○景○如○畫○令倡優詈侮光弼遣人從地道中曳其足斬之
自是賊行皆視地徙營稍遠光弼僞約降而潛穿賊
營地爲溝塹以木至期勒軍城上遣裨將將數千人
出若送款者俄而賊營忽陷因鼓譟突騎出乘之俘
斬萬計思明引還畱希德圍守光弼又擊敗之斬首

七萬亦遁去。又收清夷橫野等軍禽李弘義以歸。加
司空封鄭國公。乾元元年。代子儀為朔方節度副元
帥。兵馬使張用濟憚其嚴。有異議。光弼俟其入謁。斬
之。轅門諸將懾伏。次汴州。聞許叔冀降賊。思明乘勝
西嚮。乃如東京。畱守韋陟。請退保潼關。光弼曰。委五
百里而守關。賊得地勢益張。不如移軍河陽北阻澤
潞。勝則出。敗則守。表裏相應。賊不得西。遂檄河南尹
率吏民避賊。而自悉軍趨河陽。衆二萬。才十日糧與
士卒均甘苦。賊入洛陽。城空無所得。遂引兵河陽。使

○劉○下○之○恩○

○肥○賊○獨○絕○

○嚴○與○斬○崔○衆○始○應○

○再○移○軍○令○之○

○叙○

驍將劉龍仙。嫚罵挑戰。光弼遣白孝德以騎五十馳之。孝德擁二矛策馬亂流而渡。瞋目大呼斬龍仙首。以還。思明有良馬千餘匹。浴于河南。光弼索軍中牝馬五百繫其駒而出之。思明馬悉浮渡河盡驅入城。思明怒。泛火船欲燒浮橋。光弼先置長竿承以巨木。奇。累鐵又竿上以迎船。遇又不得進。須臾自焚盡。光弼與戰中潭西。大破之。南城守將李抱玉出奇兵敗賊帥周摯。摯復攻中潭。光弼使荔非元禮擊敗之。摯併兵與安太清攻北城。光弼登陴望曰。彼軍雖銳而囂。

不足虞也。日中當破。及期未決。問賊陣何所最堅。曰。從○橫○細○密○曲○盡○其○妙○西北隅。召郝廷玉當之。復問其次。曰東南隅。召論惟貞當之。辭曰。蕃將也。不知步戰。請鐵騎三百與之。二百出。賜馬分給。二人自以刀納韞中有決死之志。執大旗令望。吾三麾至地。諸軍畢入生死以之。旣而廷玉軍不前。趣左右取其首來。廷玉曰。馬中矢非却也。命易他馬。僕固懷恩小却。又命取其首。懷恩更前決戰。光弼連颶其旗。三軍齊奮。斬俘人馬數萬。思明大敗遁去。禽徐璜。玉李秦授等。太清走懷州。上元元年。

加太尉中書令進圍懷州思明來救迎戰沁水上又
破之光弼壁野水渡既夕潛還軍畱牙將雍希顥守
營令曰賊將高暉李日越萬人敵也必來劫我若至
勿與戰降則與偕來左右皆笑之是夜日越果以鐵
騎五百至知太尉已去謂其下曰我受命云何今顧
獲希顥歸必死矣遂降希顥與俱至光弼厚禮之表
授特進右金吾大將軍暉聞之亦降皆如所料諸軍
決丹水灌懷州未下令廷玉由地道入得其軍號登
陣大呼王師乘城禽安太清楊希仲送京師已而思

明用諜閒魚朝恩信而讒之定唐室保姦罪案帝使使者督戰急光弼不得行已意出次中山懷恩不用命遂大敗懷州復陷朝義乘勝畧申光等十三州光弼復輿疾入徐州朝義圍李岑于宋州光弼使田神功擊走之寶應元年封臨淮郡王朝恩元振用事深忌光弼而元振疾之尤甚光弼懼不免及來瑱以讒死光弼愈懼不知所措吐蕃寇京師代宗詔入援光弼亦畏禍遷延不敢行由是諸將陰懷去就多不稟命恚忿成疾未幾卒年五十七諡武穆光弼治軍嚴重指顧號令諸將

莫敢仰視謀定而後戰能以少制衆與郭子儀齊名
論曰光弼賢將也其用兵峻厲嚴肅料敵如神唐室
准功案中興厥功爲大獨異其起戎酋終行伍而能持節行
首照應傳中歸宿在此讀書執禮以孝友著聞斯豈尋常將帥所可同年語
歟使時無朝恩元振不以憂讒懼禍來晚節全鏡之
埃則汾陽何以過焉

臨淮用兵膽略汾陽亦當怖服其遜汾陽者德耳
然起行伍而知儒術名將中罕有及者晚節遷延
念不到此入手特筆提清復於贊中申說固是君

子成人之美亦見當時姦臣在內而大將難以立
功坐使英雄垂頭真堪痛恨此史家深文微筆非
故爲臨淮出脫也

楊綰傳

楊綰字公權華陰人少孤家貧事母謹甚性沈靜獨處一室左右圖書凝塵滿席澹如也第進士補太子正字舉詞藻宏麗科擢右拾遺肅宗卽位累遷中書舍人歷禮部侍郎建議復古德行鄉舉里選孝廉力田等科罷明經進士其意謂古之選士必取行實今進士試雜文明經加帖括公卿以此待士長老以此訓子誦帖括以僥倖又令舉人投牒自應欲其返淳朴崇廉讓何可得也請置孝廉科令縣取行著鄉閭

學知經術者薦之于州。刺史考試升之于省。人占一
經。問經義二十條。對策三道上第。注官中第。出身下
第。罷歸宰相。以為明經進士行之已久。不可遽改事。
雖不行時論。偉之。俄遷吏部精覈人物品裁。清允天。
下服其公。元載秉政。忌綰望高。又孤立自守。不肯一。
私謁。建言太學當得天下名儒。拜為國子祭酒。外示。
尊重。實以散地。處之。載日貪冒。天下士議益歸綰。帝。
知自擢為太常卿。以郊廟禮儀久廢。藉綰振起。載敗。
拜平章事。脩國史。制下之日。朝野相賀。郭子儀方宴。

客聞之減坐中聲樂五分之四京兆黎幹每出入從
騎數百卽日省之止存十騎御史中丞崔寬第舍宏
侈亟毀撤之綰奏罷諸州團練守捉使減觀察諸道
判官員之半又言舊制刺史被代皆降魚書開元後
威柄外移置諸道採訪使得專停刺史自今刺史有
不職本道使其條以聞不得擅追停及差人署攝帝
善之初元載以仕進者多樂京師惡其迫已乃薄京
官俸於是京官不能自給常從外官乞貸至是綰奏
增之又定節度使以下至主簿尉祿廩使優狹相均

始兵興從權官品同而祿例差及四方既定元載王
縉偷以爲利因而不改故江淮大州月至千緡而山
劍貧險止數十緡至是皆復其舊上下有叙法制粗
亦極斟酌立代宗方虛心聽納釐補穿敝惟綰是視而綰以疾
辭位頻詔敦勉居旬日寢劇詔就中書療治未幾卒
帝聞之驚悼謂羣臣曰天不使朕致太平何奪我楊
綰之速也即日贈司徒詔百官會弔賻贈加等諡文
簡綰性清儉車服樸古不治第宅不問產業生計祿
廩分姻舊隨多寡輒盡造之者清談終晷而不及榮

利欲干以私聞其言輒愧止輔政未數月人心自化
結得高士世以比之東京楊震云

論曰賢哉楊綰之相也白麻甫宣風俗已移雖郭子
四十字定案儀諸公能貶已以成人之美要其清望儉德聳服人
心者深矣綰爲相僅三閱月釐革弊政已有可觀惜
天奪之速如代宗所云耳唐書贊其論議渾大雖古
王佐無以加非過譽也

雅醇清簡文與人稱另具一種丰神

仙史記卷三
八

段秀實傳

段秀實字成公。汧陽人也。六歲號孝童。及長。慨然有濟世志。天寶四載。從司靈。督討護蜜有功。授安西偏將。又從高仙芝討大食。仙芝兵失利。夜相失。聞副將李嗣業聲。因責曰。憚敵而奔。非勇也。免已陷衆。非仁也。嗣業慙。乃與秀實收散卒成軍。而還。又從封常清討大勃律。得勝。改綏德府折衝都尉。肅宗在靈武。詔嗣業以安西兵五千赴行在。嗣業聽梁宰謀。欲逗雷觀變。秀實責之曰。公嘗自稱大丈夫。今天子有急。乃

大義正言令人帖服

欲晏然此誠兒女子耳。嗣業因固請于宰，遂出師。以秀實爲副，後吐蕃襲京師，代宗走陝。秀實勸白孝德，卽日鼓行入援，兵還薦爲涇州刺史。郭晞領行營兵屯邠州，軍士放縱不法，白晝羣行擊傷市人，至撞害孕婦。孝德患之，而不敢言。秀實自請補署都虞候，晞軍士十七人入市取酒，刺酒翁，壞釀器。秀實列卒取之，悉斷首注槊上，植市門。晞一營大譟，盡甲。秀實徐解佩刀，選老嫗者一人，持馬徑至晞門下，甲者皆出。秀實笑而入，曰：殺一老卒，何甲也？吾戴吾頭來矣。甲

偏。閑。暇。得。妙。

寫。晞。善。情。景。荒。忙。得。妙。

者。愕。眙。秀。實。曰。尚。書。負。若。屬。邪。副。元。帥。負。若。屬。邪。奈。
何。欲。以。亂。敗。郭。氏。晞。出。秀。實。讓。之。曰。副。元。帥。勳。塞。天。
地。當。念。始。終。今。尚。書。恣。卒。爲。暴。行。且。致。亂。亂。則。罪。及。
副。元。帥。郭。氏。功。名。其。與。存。者。有。幾。晞。再。拜。謝。曰。公。幸。
教。晞。以。道。敢。不。從。命。比。左。右。皆。解。甲。令。曰。譁。者。死。秀。
實。曰。吾。未。晡。食。請。爲。我。設。具。食。已。又。曰。吾。疾。作。願。一。
宿。門。下。遂。臥。軍。中。晞。大。駭。旦。日。偕。秀。實。至。孝。德。所。陳。
謝。邠。賴。以。安。大。曆。元。年。馬。璘。代。孝。德。爲。節。度。每。處。事。
或。不。當。秀。實。固。爭。之。璘。怒。甚。秀。實。曰。罪。若。可。殺。何。以。

怒爲無罪殺人恐涉非道璘置酒謝自是每事皆咨
而後行璘城涇州表爲留後以勞加御史中丞三年
璘奉詔將徙涇其軍自四鎮北庭赴難數征伐有功
旣驟徙遂出怨言兵馬使王童之謀作亂期以辛酉
日聞警鼓而縱秀實知之召鼓人陽怒失節且戒曰
每籌盡當報因延數刻盡四鼓而曙童之不果發明
日復約夜焚馬坊草因救火作亂秀實申嚴警備夜
果火卽下令曰敢救火者斬及旦收捕童之并其黨
八人皆斬以徇下令曰後徙者族軍遂徙無敢後者

久之璘有疾。以秀實攝節度事。秀實嚴兵以備非常。
璘卒。擇謹愿將馬頔主喪。李漢惠主賓客。家人位于
排布置紀律未極嚴令不逞者無間可乘所謂禮可
堂。宗族位于庭。將佐位于衙。內士卒位于營次。非其
已亂也親不得居喪側。致祭拜哭皆有儀節。送喪遠近皆有
定處。違者以軍法從事。有族談離立者皆捕囚之。別
將史廷幹崔珍等謀因喪作亂。秀實遣廷幹入京師。
徙珍等于外軍府。遂安卽拜四鎮北庭行軍涇原鄭
穎節度使。數年吐蕃不敢犯塞。德宗立加檢校禮部
尚書封張掖郡王。建中初宰相楊炎欲城原州以議

不合。改爲司農卿。朱泚反。以秀實失兵。必恨憤。且素有人望。使騎迎之。不納。騎士踰垣入。刼之。秀實與子弟訣曰。吾當以死殉社稷矣。往見泚。說之曰。犒賜不

學問人語

豐。有司之過。天子安得知。公宜以此開諭將士。示以禍福。掃清宮室。奉迎乘輿。此不世之功也。泚默然。秀實知不可。乃陽與合。陰結將軍劉海濱。涇原將吏。何明禮。岐靈岳。欲共誅泚。會源休教泚追逼天子。遣韓旻將銳兵三千襲奉天。秀實曰。事急矣。使靈岳竊取姚令言符印。不獲。乃倒用司農印。印牒追其兵。旻得

符果還秀實謂海濱曰旻還吾等無遺類矣我當直
搏泚殺之不克則死終不能爲之臣也乃約事急爲
繼而令明禮應于外翌日泚召秀實計事源休姚令
言李忠臣李子平皆在坐語及僭位秀實勃然起執
休腕奪其象笏唾泚面大罵曰狂賊可磔萬段我豈
從汝反耶遂擊泚中額流血寫生磯面匍匐而走賊衆未
敢動海濱等卒無應者忠臣前衛泚泚得脫秀實知
事不成乃大呼曰我不同汝反何不殺我遂遇害年
六十五海濱靈岳明禮皆相繼見殺帝在奉天聞之

自愧不能用秀實使盡其才垂涕悔恨秀實性清儉
非公會不舉樂飲酒室無姬媵家無贏財賓佐至議
軍政未嘗及私自涇州被召戒家人過岐無納贈遺
泚致綾三百家人不能拒輦至都秀實怒曰吾終不
以汙書第置司農署之梁間死後泚取視封識宛然
言以禁兵寡弱不足備非常從容為德宗言猛虎所
以百獸畏者為爪牙也若去之則犬彘馬牛皆能為
敵帝不聽及亂召神策六軍無人至者世多其謀與
元元年贈太尉諡忠烈賜封戶五百莊第各一區官

諸子帝還都輟朝致祭表門閭親銘其墓
論曰朱泚赫然議稱帝不虞秀實之唾其面擊其頭
破裂流血濺地匍匐而走此千古一大快也事雖不
濟死已重於泰山胡氏猶以未盡善惜之過矣不計
利害不計成敗乃爲忠臣存一毫顧慮之心隳天下
忠義之氣豈少哉秀實才可大用觀其責嗣業服郭
晞處置徒涇諸將士精神智量曠世有幾歷事四朝
不得一竟其用所可惜者在此不在彼

老筆

入晞門寫得閑靜處璘軍寫得周到唾泚面寫得

淋漓秀實一生精力畢靈毫端故是傳神妙筆



杜黃裳傳

杜黃裳字遵素京兆萬年人也登進士宏辭二科郭

入子儀

子儀辟爲北方從事子儀入朝使主留事李懷光與

監軍陰謀代子儀僞爲詔書欲誅大將溫儒雅等黃

裳得詔辯其非以質懷光懷光流汗服罪於時諸將

狠驕難制者黃裳皆以子儀令易置衆不敢亂入爲

侍御史裴延齡惡之十期不遷貞元末拜太子賓客

順宗立遷太常卿時王叔文用事黃裳未嘗一造其

剛正

門以婿韋執誼輔政勸令率百官請太子監國執誼

曰○丈○人○始○得○一○官○便○可○開○口○議○禁○密○事○勃○然○怒○曰○黃○
裳○受○恩○三○朝○豈○可○以○一○官○見○買○拂○衣○出○及○太○子○總○軍○
國○事○擢○門○下○侍○郎○同○平○章○事○以○夏○綏○銀○節○度○使○韓○全○
義○儉○佞○無○功○奏○罷○之○○看○破○憲○宗○欲○討○劉○闢○議○者○多○言○蜀○險○
固○不○宜○生○事○黃○裳○獨○曰○闢○狂○戇○書○生○取○之○如○拾○芥○耳○
特○識神○策○軍○使○高○崇○文○勇○略○可○用○願○陛○下○專○以○軍○事○委○之○
勿○置○監○軍○闕○必○可○禽○帝○從○之○時○名○臣○宿○將○各○自○謂○當○
叙○得○簡○而○括○征○蜀○之○選○及○詔○用○崇○文○皆○大○驚○凡○兵○進○退○自○戰○伐○以○
退○之○所○謂○戰○不○貪○殺○擒○不○濫○數○言○黃○裳○教○之○也及○成○功○黃○裳○自○中○指○授○無○不○切○中○機○宜○闕○既○禽○羣○臣○

入賀憲宗目黃裳曰卿之功也。始德宗創艾多難務姑息。每藩鎮物故遣中人伺其軍所欲立者。故大將私金幣結左右。以求節制。方鎮選不出朝廷。黃裳言陛下宜鑒貞元之弊。整法度。脩損諸侯。則天下治。帝少力之說也嘗問前古帝王所以治亂。黃裳言王者之道在脩己佐大略任賢而已。舜舉十六相。去四凶。未嘗勞神疲體。而萬世稱之。秦始皇程石決事。見嗤後代。魏明帝欲按尚書事。陳矯不從。隋文帝日昃聽政。唐太宗笑之。故王者擇人委任。而責其成功。信賞信罰。孰敢不力。帝嘉

約之由是平夏剪齊滅蔡復兩河以機秉還宰相紀與擒闢一段緊相呼應見當時藩鎮畏威厥功爲大

律張設赫然號中興皆黃裳啓之也元和二年以司

空平章事爲河中晉絳節度使封邠國公明年卒年

七十一諡宣獻黃裳達權變有王佐大略性雅澹與

物無忤居相位不久未究其才及處外天下常所屬

補叙一段見惠琳之斬黃裳與有力焉

意初奏罷韓全義以李演爲夏綏節度使全義甥楊

惠琳知夏綏留後勒兵拒演命河東天德軍合擊惠

琳傳首京師李師古跋扈憚黃裳未敢失禮有幹吏

寄錢數千緡并氈車一乘直千緡使者于宅門候伺

累日未敢送適有緣輿自宅出從婢二人青衣繼續通饋謝者顧知是乎使者聞知爲相公夫人遽歸以告師古師古折其謀終身不敢改節

論曰史稱黃裳達權變有王佐大略二語盡之乃又言其通饋謝無潔白名則以卒後數年御史劾納高崇文錢四萬五千緡之故也天下安有王佐之才以振綱飭紀整齊一世爲已任而不能律身清白者乎持爲昭雪御史不効于生前而効于身後其誣可知觀于李師古之事而益見

西川之命苟安目前長奸殊甚劉闢不擒三川危
矣天下乘釁而起豈復有唐哉元和兵威之振全
賴崇文一舉氣噴風雲遂使強藩裂膽區外寒心
昌黎元和聖德詩所以極力鋪陳也斯傳當與并
傳矣

